

# RESPONSA CLARISSIMORVM IVR: CONSVLTORVM

D. M. Antonij Perégrini Equitis, D. M. Antonij  
Othelij, & D. Ioachini Scayni

*Ex Primarijs Gymnasij Patauini in iure professoribus*

## R E D D I T A

Pro Decretis Serenissimi Principis Veneti.

De non alienandis bonis immobilibus in personas Ecclesiasticas.

De non erigendis de nouo Monasterijs, Cœtibus, & Reducibus viro-  
rum, & mulierum, & de non ædificandis de nouo Ecclesijs absque  
licentia Serenissimi Principis.

De iudicandis, & puniendis Clericis pro criminibus grauib, &  
atrocibus.

*Cum subscriptione Sacri Collegij Clarissimorum Iur: Consult.*

*Magnifica Ciuitatis Padua.*



V E N E T I I S,    M   D   C   V   I.

Apud Euangelistam Deuchinum.

S V P E R I O R V M P E R M I S S V.

RESPONSA  
CLARISSIMORVM

Gli Eccellentissimi Signori Capi dell'Eccello Conseglio di Dieci infra scritti hauura fede dalli Signori Reformatori dello Studio di Padoua, per relatione ad essi fatta dalli Reuerendi Theologi à ciò deputati, & dal Circ. Secr. del Senato Giacomo Vicco, con giuramento, che nelli consulti intitolati Responsa Clariss. Iurifconsultorum D. Marci Antonij Peregrini Equitis, D. Marci Antonij Othelij, & D. Ioachini Scayni ex primarijs Gymnasij Patuini in iure professoribus reddita pro Decretis Serenissimi Principis Veneti, de non alienandis bonis Immobilibus in personas Ecclesiasticas, de non eligendis, de nouo Monasterijs cetibus, & reductionibus virorum, & mulierum, & de non edificandis, de nouo Ecclesijs absq; licentia Sereniss. Principis, de iudicandis, & puniendis Clericis pro criminibus grauibus, & atrocibus, cum subscriptione Sacri Collegij Clarissimorum Iurifconsultorum Magnificæ Ciuitatis Padue, da essi Theologi, & Secret. veduti, & ben considerato, non si troua alcuna cosa contraria alla Santa fede Cattolica, Principi, ò buoni costumi, & esser degni di Stampa, concedono licenza, che possano essere stampati in questa Città.

Dat. die 22. Septembris 1606.

D. Lorenzo Loredan.  
D. Zuane Pasqualigo.  
D. Girolamo de Priuli.

Capi dell'Eccello Consiglio di X.

Illustrissimi Consilij X. Secretarius  
Ioannes Baptista Padauinus.

Regist. nell'off. con: la Bialt. à car. 159 sotto  
Gio: Franc. Pinardo Secret.

V E N E T I A

RESPONSVM  
M. ANTONII PEREGRINI  
PATAVINI I. C. EQVITIS,  
ET CONSVLTORIS IN IVRE

SERENISS. REIPVBLICAE VENETAE,  
ET IN GYMNASIO PATAVINO PRIMARIJ  
*Iuris Canonici Interpretis*

R E D D I T V M

*Pro Decretis eiusdem Serenissima Reipublica.*

De non alienandis bonis immobilibus per subditos laicos in personas  
Ecclesiasticas absque Principis licentia.

De non aedificandis Ecclesijs, aut Monasterijs eodem Principe in-  
consulto.

Et demum pro facultate iudicandi, & puniendi clericos pro delictis  
grauib, & atrocibus.



SERENISSIMVS Princeps Vene-  
tus legitimus Dominus videns intra  
statum suum Ecclesias, & personas  
Ecclesiasticas admodum ditatas, & in  
diebus facultates Ecclesiarum augeri, con-  
fluentibus in Ecclesijs ipsis praedijs ur-  
banis, & rusticis tam pro iure pleni  
dominii directi, & utilis donatis, oblati, relictis, veletiam  
emptis, aut aliter acquisitis per Ecclesias, & personas Eccle-  
siasticas, cum maximo detrimento status, & principatus sui,  
respectu Jurisdictionalium; & publicas functiones pro publi-

cis necessitatibus deteriores fieri. Quia Ecclesiastici pro rebus, & bonis Ecclesiasticis per suos Canones prætendunt immunitatem à potestate seculari, difficilesque reddunt se à publicis contributionibus; & prætereacum maximo Laicorum subditorum suorum detrimento bona immobilia transire in Ecclesias. Quia semel in Ecclesias translata, libere ad ius Laicorum remeare non possunt; interdicta per Canones ipsos alienandi potestate, nisi cum evidenti Ecclesiarum utilitate, servatis pluribus solemnitatibus, & Consulto prius Rom. Pontif. ad tex. in c. sine exceptione (2. q. 2. &) toto tit. de reb. eccles. non alien. in Decretal. in 6. &) in clem. Ideo commotus Princeps ipse; cupiens consulere publicæ utilitati tum respectu Principatus, tum etiam respectu Laicorum subditorum suorum; honor namque, & Principum gloria est diuites habere subiectos; Cum suo Excellentissimo Senatu perpetuo decreto diffuso in toto statu suo Serenissimo constituit. Ne quis Laicus vendere, donare, aut quoquo modo sub aliquo prætextu, aut colore alienare possit, absque licentia ipsius Principis, prædia aliqua, aut iura aliqua immobilia in Ecclesias, & personas Ecclesiasticas, ac nec etiam ex testamento relinquere ultra biennium; & si perpetuo relicta sint, elapso biennio, vendantur Laicis, & pretium eorum inuestiatur ad commodum Ecclesiarum, & ut in Senatusconsulto.

Dubitatur nunc de validitate huius decreti. Nam Sum. Pont. modernus Paulus V. intendit inualidum esse, & nulliter statutum, quia sit contra libertatem Ecclesiasticam; Principemque ipsum statuentem, & Rempublicam Venetam incidisse ipso iure, & factò in Censuras Ecclesiasticas auctoritate Honorij III. Comminatas, & indictas aduersus Principes, Respublicas, & Communitates statuentes contra, & aduersus Ecclesiasticam libertatem, qui intra duos menses moniti de

Capitularibus suis aboleri non fecerint, vt in Decretal. Honorij. Nouerit, & Grauem. de senten. excommun. Qua de causa monitorium transmisit ad Serenissimum ipsum Principem directum, & ad Rempubicam.

Super quo puncto mihi pro munere meo discutere incumbit pro defensione, & validitate iam dicti Decreti. Antequam autem ad discussionem accedam pramitto illud, quod est satis notum.

Duas esse potestates, per quas vniuersus regitur mundus: Pontificalem, & Regalem. c. duo sunt 96. distin. c. solita de maior. & obed. Quas sanè potestates pro regimine totius orbis Deus in terris constituit. Quarum potestatum officia Christus mediator Dei, & hominum actibus suis proprijs distinxit, & discreuit; vt scilicet Pontificalis præsset in diuinis in ijs, qua ad salutem animarum pro bono aeterno pertinent, & in disponendis in Ecclesia Dei. Regalis autem, & secularis potestas in terrenis præsset pro bono publico politico. Et discretio ordinata fuit, vt Regalis non præsideret, nec se immisceret in spiritualibus; Pontificalis è contra non sibi arriperet temporalia, nec in negocijs secularibus se implicaret; Sicuti SS. Patres Nicolaus Papa Ioannes Papa definierunt in c. cum ad verum, & in cap. si Imperator 96. distin. & Nicolaus Papa Primus in cap. quoniam 10. distin. relati à Gratiano in dictis Decretis.

Ex qua potestatum distinctione euincitur potestatem Clauium traditam à Christo Deo Petro, & Petri successoribus in eius Cathedra, de qua Matth. cap. 15. & Ioan. cap. vlt. referri ad spiritualia, non ad temporalia, quorum potestas tributa erat Regali potestati; sicuti ex Diuo Bernardo colligitur ad Eugen. PP. in lib. de considerat. in illis verbis. In criminibus, & in peccatis potestas vestra, non in possessionibus: propter  
illa

illa siquidem accepistis claves Regni Calorum : Habent inferiora hæc terrena Iudices suos , Reges , & Principes Terra . Hæc ille . plenius autem Cardinalis Turrecrem. de Ecclesia lib. ij. cap. 113. in 2. proposit. & ex auctoribus nostris Bald. in l. ij. sum. 23. C. de seruit. ubi post Innoc. not. quod Papa habet potestatis plenitudinem in spiritualibus , non in temporalibus . Alciat. in l. placet colum. 1. C. de sacrosan. eccles. Quamobrem Alex. III. & Innoc. III. Sum. Pont. professi sunt superioritatem non habere in temporalibus non subditis temporaliter Apostolo. Sedi. Ubi legitur inc. nonit. de iudic. inc. per venerabilem , & inc. causamque , qui fil. sint legit. & in c. si duobus §. 1. de appellat. in spiritualibus autem totus mundus est territorium Papa Abb. in c. vergentis de Hæreti. unde ex his infertur Principem Venetum legitimè imperantem teste , ultra alios , Diuo Thoma lib. 4. de Regim. Princip. neminem in temporalibus recognoscere in toto suo statu superiorem , nec etiam Papam , plenamque libertate in his gaudere , & hæc nota sunt .

Capiendo itaque punctum propositum , videretur decretum non valere ex pluribus .

Primo , quia iure Canonum non licet Laicis constituere super Ecclesiis , & Ecclesiasticis personis , etiam in eorum fauorem , eis præcipiendo , aut interdicens , & hoc ex defectu potestatis ; Quia ex statutis Canonice exemptæ sunt à potestate seculari : & statuta super his facta iure Canonum ea ratione improbantur cap. bene quidem 96. distinct. cap. Ecclesia Sanctæ Mariæ de Constitut. c. ij. de iudic. & c. cum nulli de reb. eccles. non alien. ergo multo minus in odium , & præiudicium Ecclesiasticorum .

Augetur argumentum ; nam statutum Laicorum generale , quod non sit privilegiatum contra ius commune , quamuis rationabile , non afficit Ecclesias , & personas Ecclesiasticas in ea-

rum damnum d. cap. Ecclesia Sancta Maria. Abb. in 1. not. & num. 25. Felin. num. 95. & 96. Dec. num. 73. ergo nec speciale præiudiciale Ecclesiis, quasi videatur magis constitutum in odium Clericorum.

Secundo, statuta Laicorum ordinata contra libertatem Ecclesiasticam iure Canonum declarata sunt nulla, & nullius roboris, pœna indicta contra statutarios d. cap. nouerit, d. c. grauem. contra autem libertatem Ecclesiasticam dicunt Ecclesiastici esse illa, quæ auferunt priuilegia iure communi concessa. Doctor. ibi. Cyn. Bart. Bal. Sal. Fulgos. & alij in Auth. Cassa. C. de sacrosan. eccles. At Ecclesiis concessum fuit ab Imperat. Constantino Magno, vt Laici ex testamento liberè relinquere possint Ecclesiis l. 1. C. de sacrosan. eccles.

Item contra libertatem Ecclesiasticam videntur statuta, quæ auferunt Clericis beneficia iuris communis: resistere namque videntur libertati, quæ est naturalis facultas faciendi, quod alijs facere licet l. libertas, ff. de sta. hom. sic sane arguunt Bald. Sal. Fulg. & Paul. in d. Auth. Cassa. Alex. conf. 211. nu. 7. in 1. Anton. Butr. Jmol. & alij relati à Felin. in d. c. Ecclesia Sancta Maria sub num. 73. Socin. conf. 241. colum. 3. Ruiz. 95. nu. 5. lib. 1. Abb. conf. 8. num. 3.

At unicuique liberè licet emere l. dudum, C. de contrahen. emptio. & nemo inuitus vendere cogitur l. inuitum, C. eodem, & in Ecclesiis legitur in l. fin. C. de sacrosan. eccles.

Amplius Doctores dicunt statutum esse contra libertatem Ecclesiasticam, etiam quod non directè, sed indirectè sit supra personas Ecclesiasticas, & aduersus eorum libertatem per tex. in c. eos de immun. eccles. in 6. Cardin. Zabarel. in cap. perpendimus cor. 5. columna 2. de senten. excommun. Petr. Anchar. conf. 12. & seq. & conf. 155. Alexan. 120. lib. 2. Felin. in cap. quæ in Ecclesiarum, num. 7. Dec. num. 4. de constitutio.

Jas.



*Jas. in l. quominus, ff. de flumin. num. 152. Gram. decif. 106.*  
 Tertio, opinionem hanc pro Ecclesia contra statutum firmarunt plerique auctores. *Barto. in l. filius familias, §. Diui. ff. de leg. 1. num. 11. Alexan. num. 12. Ruin. num. 92. Card. Zab. in d. cap. perpendimus. cor. 5. colum. 3. Ripa sub tit. de legib. respon. 2. num. 5. & nonnulli alij ex antiquioribus, & modernioribus.*

Contra autem pro statuto Laico tenuerunt alij grauissimi auctores, *Jacob. Butrig. in d. Auth. Cassia. Ricar. Salic. in l. 1. C. eo. Signorol. de Homod. in consil. 21. quos retulerunt, & sicuti sunt Andr. Barbat. ex professo in cōf. 30. lib. 4. Jas. in d. §. Diui in 2. lect. num. 92. Vbi hanc veriore dicit, quam etiam probauit Bal. Vbiq. numquam varius in cap. clerici de iudic. Vbi reassumit, & sequitur consil. Signorol. super statuto Mediolani, & in c. qua in Ecclesiarum de constitut. num. 8. Vbi precise loquitur de statuto prohibente alienare res immobiles Ecclesiis, & idem Bal. apud Anchar. cons. 11. secuti sunt ex modern. Bart. Romul. in d. §. Diui, num. 195. Ceph. cons. 53. nu. 40. quorum sententiam pro iure Principatus, & pro publica subditorum utilitate secutus est, & receptam dixit in partibus Germania Andr. Gail. lib. 2. obseruat. 32. num. 5. & precise, Vbi statutum prohibet Laicos alienare bona immobilia in Ecclesiis, addito, sine licentia Principis Laici, de iure valeat, post longam disputationem firmavit Alber. de Rosat. in 2. par. statut. q. 2. in fine, quia huiusmodi statutum sit correlatiuum ad Canonem prohibentem bona immobilia Ecclesiastica alienari in Laicos, in consulto Rom. Pontifice. ad tex. in c. hoc consultissimo de reb. eccl. non alienan. in 6. cuius determinatio decidit speciem subiectam.*

Et quamuis aliqui ex præallegatis auctoribus concedant, valere quidem statutum, Vbi generaliter prohibet immobilia alienari



alienari in non subditum, etiam ad exclusionem Ecclesiasticorum; secus autem si nominatim inhibeat alienari in personas Ecclesiasticas, quia super his deficiat potestas Laica. Inanis tamen est distinctio hac; quia si ex defectu potestatis non valeret statutum speciale, non etiam statutum generale ex eodem defectu afficeret Ecclesiasticos, Abb. per illum tex. in d. c. Ecclesia Sanctae Mariae in 1. not. & sub num. 25. Felin. num. 95. & 96. Dec. sub nu. 73. in stampa antiqua, ubi sic precisè arguit. Ad hanc tex. in c. 1. de iurciur. lib. 6. ubi iuramentum generaliter praestitum de seruandis Statutis non trahitur ad Statuta contra libertatem Ecclesiasticam.

Fundamenta autem pro validitate Decreti, de quo agitur sunt haec.

Primo Principes seculi, Deo auctore, potestatem habent leges condendi pro bono status sui regimine; ergo afficere possunt personas, & res Regni, statusque sui. Primum probatur per tex. cum glos. in c. si Imperator 96. distinct. ibi. Habet Imperator priuilegia suae potestatis, quae in administrandis legibus publicis diuinitus consecutus fuit, & cap. quassitum 24. q. 3. ubi meminerint à Deo potestates has concessas esse: consequens verò deducitur ex suprema potestate, quam Reges, & supremi Principes terra habent supra personas, & res subditorum suorum, de qua Regum lib. 1. cap. 8. ibi. Hoc erit ius Regis, qui imperaturus est vobis; Filios vestros tollet, & ponet in Curribus suis, & c. Agros quoque vestros, & vineas, & oliueta optima tollet, & dabit seruis suis, sed & segetes vestras, & vinearum redditus addecimabit. & quae ibi sequuntur. Et de iure scripto, ut rebus subditorum status sui possit Princeps leges praescribere decisum legitur in l. venditor, §. si constat, ff. com. praed. & ibi not. & in l. & an in totum, C. de adif. priu. Bar. in l. 1. C. de sum. Trin. nu. 27.

Secundo, & magis in specie, quòd Princeps, possit subditis suis ex causa interdicere, & prohibere immobilium alienationem, sunt iura aperta in l. si in emptionem, §. omnium, ff. de contr. emptio. in l. de pollicitationibus in fi. ff. de pollicitatio. notatur in d. §. Diui, & in l. si ita quis, §. ea lege, ff. de verbo. obligat.

Tertio, & propius, ex pacto conuenire possunt priuati pro suo priuato interesse, ne bona alienentur in Ecclesias l. fina. C. de pact. int. empt. & in emphiteoticis glos. & Doct. omnes in l. fina. C. de iure emph. glos. & Canonistæ in c. posuit de locato. & in feudalibus in c. 1. de prohib. feu. alien. per Feder. vbi quòd nec pro anima relinqui, aut adiudicari possunt Ecclesiis, & locis pijs: quoniam in Ecclesias alienata numquam ad ius priuatum remearent; quia Ecclesia numquam moritur, c. si gratiose de rescript. in 6. & Ecclesia, Canone prohibente, immobilia alienare nequit. Si itaque contrahentium pactio sic pro iure sui particularis dominij, & interesse efficere potest; ergo & Princeps vniuersalis Dominus, & paterfamilias pro iure sui vniuersalis Dominij, & interesse status sui sic constituere poterit: nam non minus, immo plus potest iussio Principis, quàm priuatorum actio, & pactio. glos. in Rubr. Cod. de Decurion. lib. 10. Bar. in l. alia, §. eleganter, ff. solu. matr. las. in l. non impossibile, ff. de pactis: vbi quòd potentius est ius constitutionis, quàm pact. Dec. in l. nec ex pratorio, ff. de regul. iur. & in Rubr. de Constitut. in 2. lectura, num. 11.

Quarto, Statutum, & Decretum, de quo agitur non constituit super bonis iam quæsitis, & incorporatis in Ecclesiis, & personis Ecclesiasticis, circa quæ versantur argumenta contraria fundata in iuribus suprallegatis d. c. bene quidem, d. cap. Ecclesia Sanctæ Mariæ; sed ordinatum est super bonis immobilibus, quæ sunt in dominio, & possessione Laicorum, ut non  
acqui-

acquirantur Ecclesiis: & in acquirendis licitum est Laico Principi sic constituere. Sic precise Bald. d. cap. quæ in Ecclesiarum num. 8. supra allegat. nimirum autem, nam inter quæ sita, & querenda multum interest, & non licet arguere à quæ sitis ad querenda: nam in istis facilius præiudicatur. Vnde etsi in quæ sitis filius patri, seruus domino, Prælatus Ecclesiæ, Monachus Monasterio, debitor creditori præiudicare non valent; in querendis tamen possunt l. seruus, C. de pact. & ibi plenè Ias. & Dec. l. si. de acq. poss. l. qui autem in princip. ff. de his, quæ in frau. cred. l. si sponsus, §. si maritus, ff. de donatio. inter vir. cum pluribus alijs similibus adductis per Ias. & Dec. & idem Dec. conf. 624. colum. pen. Andr. Sicul. conf. 58. num. 29. lib. 2. Menoch. 73. num. 8. Quamobrem per statuta terrarum sæpè prouisum legitur, ut bona ingredientium non transcant in Monasterium, & usu recepta sunt per Barto. & Docto. in l. fina. C. de pact. & in Regno Franciæ recepta esse asseuerarunt Boer. decif. 354. num. 8. Bened. in rep. c. Rainutius in ver. & uxorem, num. 223. Rebus. conf. 173. num. 11. & 12. Tiraq. li. Mort Saisit declar. 15. num. 9. & Paduæ apud nos seruari constat, & Ferraria, quæ est Ciuitas Ecclesiastica Riminal. iun. conf. 85. num. 38. & 493. num. 40. Quocirca in querendis non considerabilis est libertas Ecclesiastica obiecta.

Quinto, Regula naturalis est, ut quod quisque iuris in alium statuerit, is eodem iure utatur toto tit. ff. quo quisque iur. & alia dicat regula, patere legem, quam tu ipse tuleris; ex quibus decidendo arguit Junoc. III. in c. cum omnes de const. & plura ad hac congerit Tiraq. de retract. lignag. §. 1. glos. 8. num. 5. Atqui Princeps Ecclesiasticus pro dignitate status Ecclesiastici, & pro utilitate personarum Ecclesiasticarum constituit, ne bona immobilia Ecclesiarum alienari possint in Laicos, nisi consulto prius Rom. Pontifice, & in euidentem Eccle-

sia vtilitatem, seruatisque alijs solemnibus, de quibus in d.c. hoc consultissimo. ergo pati debet è contra, vt Princeps Laicus pro dignitate sui status secularis, & pro publica suorum subditorum vtilitate, constituere potuerit, ne bona immobilia Laica per Laicos subditos eo incòsulto, & irrequisito alienentur in Ecclesias, vt par vtriusque status ratio sit, simile est; nam eadem parilitatis ratione fatentur auctores Valere statutum, quòd idem ius reddatur Clericis litigantibus in foro seculari, quod redderetur Laicis litigantibus in foro Ecclesiastico, nec Ecclesiasticos habere causam iustam conquarendi de statuto hoc. Abb. d.c. Ecclesia Sanctæ Mariae sub num. 24. Dec. sub nu. 35. qua ratione decretum hoc contentiosum Valere determinauit Alber. supra relatus.

Sexto, finis huius statuti, & Decreti est publica vtilitas tam Principatus, quàm subditorum: Principatus namque interest plura habere bona subiecta suæ iurisdictioni tripliciter respectu. Primo quia consequenter habet plures gentes sibi subiectas; personæ namque sequuntur bona: Personarum autem subditarum multitudo principale est Principis interesse ad l. 1. ff. sol. mat. ibi publicè interest Ciuitates hominibus ingenuis repleri. Secundo respectu publicarum functionum, & grauedinum; quæ quidem sunt, & in quibus consistunt nerui, & fundamenta Reipubl. quas sane Princeps Laicus promptè, & sic cile exiget, & consequetur à Laicis subditis, possessoribus bonorum pro publicis Principatus necessitatibus, & indigentijs occurrentibus vtroque belli, & pacis tempore: Ecclesiastici namque contendunt, & profitentur se immunes à contributionibus istis pro bonis suis, per Canones in cap. non minus. in c. si aduersus de immun. Eccles. & in c. quamquam de censibus in 6. Tertio Principis plurimum interest habere diuites subiectos, §. 1. in Auth. vt lud. sine quo suffrag. quò magis potèter,

& honorabiliter, & in pace, & in bello Principi seruire possint. Subditorum vero Laicorum per maximè interest; quia bonis immobilibus apud eos residentibus ditiores fiunt, & consequenter digniores, & conspicii. Quoniam absque diuitijs sordescunt familiarum dignitates ad l. quisquis, C. ad leg. iul. Maiest. Praualere ergo debet publica status publici, & subditorum utilitas fauori Ecclesiasticarum personarum. Quandoquidem in omnibus publica utilitas praualeat l. utilitas, C. de primipi. lib. 12. Auth. res quæ, C. com. de legat. l. 1. §. fina. C. de cad. toll. ubi quòd praualet subditorum publica utilitas Fiscali rationi; ergo & Ecclesiarum ad l. fin. C. de Sacrosan. eccles. ad hac optimus tex. in l. de pupillo, §. si quis riuos, ff. de op. no. nunc. unde colligitur, quòd nulla legum sanctio publicæ utilitati preponderat.

Septimo, Humanarum rerum ea est conditio, ut varientur variato tempore l. precia rerum, ff. ad leg. falcid. nimirum ergo mutatis moribus, statuta quoque mutantur humana; præsertim autem cum euidens necessitas, aut publica utilitas id exposuit: inquit tex. in c. non debet de consang. & affini. habetur in c. mutationes 7. q. 1. quòd enim medicamenta morbis, hoc exhibent iura negocijs. Quamobrem priuilegium etiam Ecclesijs ab initio iustè, & bonè concessum, si tempore succedente efficiatur præiudiciale, & nimis damnosum mo derari, restringi, & reuocari iustè potest: tex. in c. dilecti. & in c. suggestum de decim. ubi glos. not. quòd priuilegia pro diuersitate rerum, & temporum sunt varianda per tex. in c. quia sancta, §. verum 63. distinct. præsertim autem cum incipiunt esse damnoza publica utilitati l. fina. C. si con. ius. l. nec damnoza, C. de precib. Impera. offer. Quocirca cum Ecclesiæ temporibus nostris sint admodum ditatæ, præsertim autem sub Serenissimo Venetorum Dominio; & nisi remoueaturs facultas, & occasio  
acqui-

acquirendi, & incorporandi bona immobilia in Ecclesias, confluent vel ferè omnia, vel absque dubio maior eorum pars in personas Ecclesiasticas ad perpetuum damnum, & praiudicium tam Principatus pro iure publico status sui, quàm etiam Laicorum subditorum; unde evidens necessitas, & publica utilitas expoposcit, ut prouideretur, prout factum fuit. Ergo reile sic constitutum, prouisumque fuisse concludendum est: prout etiam hac eadem ratione fertur Sum. Pontif. prouidisse in fauorem hominum Laicorum Terræ Laureti.

Vltimo, eiusmodi statutum non aduersari Decretis in lege vetere, & Euangelica satis patens est. Ergo non improbandum.

Ex his autem sic propositis contraria argumenta sublata esse satis constat, ut pro Decreti validitate sit concludendum. Non enim directum est in personas Ecclesiasticas, sed ad Laicos dominos, & possessores bonorum immobilium, ne illa alienent. Unde principaliter ordinatur in Laicos contrahentes, & disponentes, quibus Princeps absque dubio imperare potuit, & interdicere, ne alienent d. l. de pollicitationibus d. l. si in emptiorem, §. omnium: nec consideratur, quod consequentiue referatur ad personas Ecclesiasticas, ne possint acquirere, quia illud venit in consequentiam actus fieri à Laico per legem prohibiti. Sic eleganter post Petr. Anch. Ruin. conf. 39. sub nu. 16. lib. 1. Cephal. conf. 13. num. 40. Rimin. iun. conf. 15. num. 78. ad hac optima Regula in l. si quis nec causam, ff. si cert. petat. Et quod not. per Bar. in l. qui exceptionem, ff. de conditio. indeb. & quod tradidit Bald. in l. quod fauore in 7. opp. C. de legib. ubi quod non consideratur odium, quod venit in necessariam consequentiam fauoris concessi per tex. in l. cum ex oratione, §. si ff. de excus. tut. unde soluta sit prima obiectio.

Nec obstat non valere statutum Laicorum contra libertatem Eccle-



*Ecclesiasticam d.c. nouerit : quia libertas Ecclesiastica principaliter consideratur in spiritalibus seiunctis à potestate Regali Laica d.c. cum ad verum d.c. si Imperator 96. dinstin. non autem quoad temporalia, de quibus nunc agitur. Et licet secundum Canones bona Ecclesiastica sint declarata immunia à potestate Laica d.c. bene quidē. d.c. Ecclesia Sanctæ Mariæ. d.c. quæ in Ecclesiarum de constit. & cap. cum Laicis de reb. eccles. non alienan. d.c. non minus, & cap. si aduersus, cum alijs; ea iura Canonica procedunt in bonis quæ sitis, & incorporatis in Ecclesiis, nisi boni publici necessitas aliud fieri suadeat. Nunc autem agitur de bonis merè Laicis vt non acquirantur. Diuersa autem, ac dissimilis est ratio à quæ sitis ad quærenda, vt latius supra dictum fuit, & in terminis aduertit Bal. d.c. quæ in Ecclesiarum, num. 8.*

*Nec quidquam obstat tex. in c. eos de immun. Eccles. nam illius decretalis positio speciem omninò diuersam proponit, ex qua in odium Ecclesiasticorum malo ingenio statutum illud factumprehenditur. Vnde ex diuersis non fit illatio l. Papinianus exuli, ff. de minor. & alia ratio iuris, & facti ius reformat l. interpositas, C. de transa. & præterea multifariam ad illum tex. respondet Andr. Sicul. d. conf. 30. lib. 4.*

*Nec etiam resistit, Decretum illud tollere libertatem testandi in Ecclesias, & in personas Ecclesiasticas, ac ideo contrapriuilegium in l. 1. & si. C. de sacrosan. eccles. Nam non tollit, sed modificat, & restringit: quod fieri posse in iure multis exemplis declaratur. Primo in materia legis Falcidia ad tex. in l. 1. in princip. iuncto §. ad municipium, ff. ad leg. Falcid. Secundo in Auth. si qua mulier, C. de sacrosan. eccles. Tertio in emphyteoticis, & feudalibus; quæ prohibentur etiam ex testamento alienari in personas Ecclesiasticas vti potentes, & priuilegiatas nimis. glos. & Doct. in d. l. fina. C. de iure emph.*



Et in d. c. 1. de probi. feu. alien. per Feder. Item legitima filiorum minuit legata, Et relicta ad pias causas. Bar. in l. Papinianus §. si Imperator, ff. de inoff. testamen. per illum tex. cum concord. adductis à Rolan. conf. 85. colum. pen. lib. 1.

Decretum namque istud permittit testari ad pias causas de omnibus bonis mobilibus, auro, argento, pecunia, ac de omnibus mouentibus. Immobilia restringit per biennium; elapso autem biennio, vendantur, pretium eorum inuestiendo alibi, aut intra statum cum Principis licentia: ita ut etiam post biennium non affatim, Et omnino incapaces faciat personas Ecclesiasticas, sed etiam cum temperamento licentia Principis. non ergo inualidum. Simile est in matrimonijs; nam licet plena libertate gaudere debeant c. gemma de sponsalib. l. titia, ff. de verb. obl. constringi tamen possunt, ut contrahantur cum personis certi loci, Et non alijs ad l. cum ita, ff. de cond. Et demon. Et hæc satis quoad primum punctum de non alienandis bonis immobilibus sine Principis licentia.

Rursus idem Serenissimus Venetus Princeps, Et Senatus constituit, ne quis in statu suo absque sui licentia construat, aut construere de nouo faciat Monastria, Ecclesias, Hospitalia, Et alios reductus Religiosorum, vel Secularium. Summus Pontifex arguit Decretum, Et constitutum istud, quia sit contra libertatem Ecclesiasticam, ac ideo eius causa monuit Principem ipsum, Et Rempubicam. Vnde Et de hoc quaeritur.

Dubiam rem hanc faciunt plura. Nam materia hæc ad discandam Ecclesiarum videtur esse Ecclesiastica. Ergo pertinet ad Pontificalem auctoritatem. Nempe quæ disponenda sunt in Ecclesia Dei ad ius Pontificium pertinent, in quibus Seculari potestati se immiscere fas non est d. cap. si Imperator 96. dist. Et d. c. bene quidem, Et c. 2. de iudic. Item instituire,

appro-

approbare, & reprobare religiones ad ius Pontificatus pertinet c. fi. de relig. domi. c. 10. eod. tit. in 6.

Rursus Collegia, & congregationes Religiosorum, & Monasteriorum à Constant. M. Imperat. fuerunt approbata l. 1. C. de sacros. eccles. ergo non licet Collegia hac Principi Seculari improbare, quia est contra priuilegium religiosis concessum d. cap. nouerit.

Et praterea Constant. ipse Imper. concessit Christianis, ut possint emere prædia, & Ecclesias construere. cap. futuram 11. quæst. 3. ergo.

Interius tamen considerato negotio, & principali sine, qui mouit Principem, & Senatum ad sic constituendum, aliter dicendum est. Non enim est credendum, nec credi potest Principem Venetum inter alios religiosos religiosissimum; apud quæ in sua Metropoli, & in toto suo Serenissimo Statu diuinus floret cultus maximæ cum ueneratione, Ecclesiæ ferè innumera- biles, sumptuosissimæ, cum splendidissimis apparatu, & sup- pellectili uisuntur, Monasteria tam uirorum, quàm mulie- rum copiosissima, ac frequentissima; sic constituisse ad diminu- tionem Cultus diuini, & in his libertatis Ecclesiæ: absit in- quam: sed pro bono regimine sui status. Nam & apud Roma- nos mundi Dominos, & apud omnes Principes terræ Collegia, Congregationes, & Cætus hominum sponte sua collectorum le- gibus leguntur improbata l. collegia §. in summa, ff. de colleg. il- licit. Bar. ibi, & in l. fina. colum. 1. ff. eod. Innoc. & Abb. nu. 5. in c. dilecta de excess. prælat.

Et hoc pro bono regimine statuum. Nam nulla Capitalior pestis in Republica esse potest, quàm ut homines simul pro suo libito inter se conuenire possint; Siquidem mala multa in Re- gno, & in prouincijs committi, & exoriri possent ad pertur- bationem status, & Reipublicæ, ut inquit Ascon. in Corne-  
C liana,

liana, & Traian. in Epistola ad Plinium consultantem, an Nicomedia deberet instituere Collegium fabrorum. Nimirum pluribus legibus à Romanis Principibus latis collegia pro finè boni publici fuerunt tum reiecta, tum dissoluta, uti legitur apud Dionis. Allicarnas. lib. 4. & de Iulio Casare meminit Sueton. cap. 42. & de Augusto in eius vita cap. 32. Tiber. Decian. in criminal. lib. 2. c. 20. num. 3.

Quare tametsi legibus Romanis Collegia religionis causa permitterentur d. l. 1. §. 1. ff. de colleg. illicit. Castigatè tamen, ne quid contra Senatusconsultum. Namque, ut prudenter aduertit Vulpian. in l. 2. ff. de extraordin. crim. sub pretextu religionis, & voti soluendi causa Cætus illicitos conuenire posse facile est. Simile legitur in Sacris Literis lib. 1. Macabaor. cap. 14. prope finem, ubi ex Constituto Magni Ducis Simeonis non licebat, eo inscio, conuocare conuentum virorum: multò minus ergo de nouo instituere.

Quòcirca prudens putari debet Constitutio hæc Principis nostri: siquidem ad Reges, Prasides, & prouinciarum Rectores spectet inquirere, & decernere, an Collegia sint licita, vel illicita, tex. in d. l. 1. in princ. ubi Bar. notauit, quòd Collegia sunt sub Principibus secularibus; adducit Inno. in d. c. cum dilecta. ubi sub num. 3. inquit, quòd Collegia religionis causa pro bono, non ad malum auctoritate Senatusconsultus permissa sunt.

Non ergo improbandus est Princeps, ad quem tutela status sui pertinet, si uidere velit qua cum auctoritate Monasteria, Hospitalia, Reductus, seu Cætus virorum, aut mulierum de nouo instituere, & construere quis velit, & intendat; hæc enim inquirere non repugnat libertati Ecclesiastica. Nam Princeps ipse religiosissimus, cognita Pontificia concessione, & illius Religionis approbatione, ita ut de moribus non sit suspicandum,

candum, providere curabit, & permittet illis loca opportuna, prout passim in toto suo statu in Ciuitatibus, & oppidis muratis, & non muratis, villis, planiciebus, & montibus hac erecta, & fundata in magno numero videntur: est enim Princeps vniuersalis paterfamilias, & gubernator populorum suorum. Unde sicuti non deceret viros religiosos ingredi domum priuati absque licentia, & consensu patrisfamilias in ea domo, & si ingrederetur, iuste eijci posset. Igitur & parimodo sub prae-textu religionis non debet, inscio Principe generali, paterfamilias totius status, licere hominibus provinciam, aut Ciuitatem ingredi, & ibi constituere Sedes, & Monasteria. Nonne tota die factitatum videmus, quod Principes noscere volunt, & habere nota nomina, & cognomina ingredientium Ciuitatem? Quare dicamus pro resolutione obiectorum, quod Serenissimus Princeps Venetus per suam Constitutum non intendit ponere manus in approbationibus Religionum, & hoc modo se immiscere in spiritualibus, sed vbique videre, qua cum auctoritate velint isti fundare Religionem in statu suo: unde cessant obiecta.

Quod verò attinet ad partem illam Decreti de non aedificandis Ecclesiis de nouo, absque ipsius Principis licentia. Equidem non habuit Princeps sensum, nec cogitauit templorum aedificationes inhibere, prout quandoque factitatum legitur à quibusdam Principibus religioni Christiana male affectis. Nam hac de Principe isto religiosissimo minimè suspicanda sunt; & comprobatur multitudo templorum, & aedificiorum in toto statu suo. Sed sic constituit cautè: Habet enim Princeps Venetus plures Ciuitates, Terras, Fortilitias, & oppida munita, & ideoque prospicere sibi incumbit, ne moles alicuius Ecclesiae cum Campanili turrito aedificetur in loco aliquo incommodo fortilitiae, vel etiam damnofo, aut in limitrophis sui

*Imperij ; nam hostibus receptaculum præbere possent .*

*Addo, quod, sicut paterfamilias non cogitur alienare fundum suum pro Ecclesia ædificanda, nec in locum alienum, inuito domino, licet Ecclesiam ædificare, & locum ipsum religiosum facere l. 1. §. si vsusfructum, & §. locum, & l. 2. ff. de religiosis, & l. fina. C. de pact. int. empt. & de iur. Canon. decisum est non licere ædificare Ecclesiam in aliena parochia cap. 1. & 2. de oper. no. nunc. Sic & Princeps vniuersalis Dominus, & paterfamilias patinon cogitur, nec cogi debet, vt, eo inuito, confirmantur Ecclesiæ, & Monasteria in loco suspecto, & præiudiciali statui suo. Et negocium ipsum piè, & bono animo, non amarè considerando, constat Decretum hoc non esse contra libertatem Ecclesiasticam, & religionis cultum. Absit inquam, quòd hac fuerit intentio Principis. Quare nec Decretum istud subiacere regule c. nouerit de sent. excommun.*

*Tertia succedit discussio : Nam idem Sereniss. Princeps Venetus per tempora immemorialia consuevit cognoscere, iudicare, & corporaliter condemnare Clericos, & Religiosos etiam in Sacris Constitutos, & etiam in dignitate pro criminibus grauioribus, & atrocibus ; de quare haud dubitandum est ; Nam est satis nota. Nunc autem idem Sum. Pontifex Paulus V. quæstionem contra mouit, quia id sit aduersus libertatem Ecclesiasticam, ac ideo hac non licere Principi Veneto domino temporali. Proinde requirit ne procedat aduersus duos Clericos in carceribus coniectos, impetitos de grauibus, & atrocibus delictis, Canonicum vnum, Abbatem alterum, sed eos remittat foro Ecclesiastico, vt in suo Monitorio sub pænis, & Censuris Canonicis. De qua re quaritur.*

*Fundamentum Summ. Pontif. & Curie Ecclesiasticæ in suo Monitorio principaliter stat, quòd Clerici exempti sunt à potestate seculari cap. Clerici de iudic. cap. si quis contra Clericum,*

Et c. si diligenti de for. comp. cum alijs antiquioribus Canonibus  
 Conciliaribus, & Summorum Pontificum relatis à Gratiano  
 11. quæst. 1. Caij, Marcelli, Alexandri I. Gelasij, Pelagij, &  
 aliorum, Et Simachi Papa d. c. bene quidem, Et exemptionem  
 hanc manare dicitur in Monitorio à iure diuino, sicuti in spe-  
 cie asseruit Bonifac. VIII. in c. quamquam de censib. in 6. &  
 inde notarunt glos. Petr. Anchar. & Cæteri Canon. Et ad hoc  
 videtur tex. in c. nimis de iureiur. desumpto ex Concil. Latera.  
 sub Innoc. III. cap. 43. in illis verbis. Nimis de iure diuino  
 quidam Laici detrahere præsumunt, dum Clericos nihil tempo-  
 rale ab eis detinentes ad præstandum sibi fidelitatis iuramen-  
 tum compellunt. Et inde Abb. notauit Clericorum exemptionem  
 iuris diuini esse. Secuti sunt sententiam hanc Doctores Cano-  
 nistæ, glos. in d. c. si Imperator. Jnnoc. Hostien. Abb. & Felin. in  
 c. 2. de maior. Et obed. glos. in c. tributum 24. q. 3. Didac. in præ-  
 ctic. cap. 31. Decian. plures referens in criminal. lib. 4. c. 9. nu. 1.  
 Et ultra Canonistas plures quoque Theologi. At ideo præsup-  
 posita exemptione iuris diuini, videtur quod potestas Laica sit  
 incapax iudicandi, & condemnandi Clericos in Sacris, & da-  
 ta incapacitate, præscriptio immemorialis non profit, sicuti ea  
 ratione prodesse non potest Laico, qui per tempora immemoria-  
 lia exercuisset spiritualia, quorum est incapax; veluti post Ioan.  
 Monac. & Joan. Andr. in cap. 2. de priuileg. in 6. tradiderunt  
 Card. Zabar. conf. 57. Et conf. 88. Abb. in cap. quanto in 5. not.  
 Et in c. fina. num. 15. de consuet. Et in c. quod sicut, num. 6. Et  
 in cap. Sacrosancta de electione.

In quo etiam Monitorio præuidens Curia, quòd Sum. Pont.  
 ex sua suprema potestate, quam habet in ijs, quæ sunt iurisdi-  
 ctionis Ecclesiasticæ, potest priuilegio concedere Principibus  
 Laicis facultatem iudicandi, & puniendi Clericos pro huiusmo-  
 di criminibus erantibus, & atrocibus, sicuti post Archid. ac.



Bal. Zabarel. Aufrer. & alios tradidit Decian. d. cap. 9. nu. 66. ubi precise de DD. Venetis; & Hieron. Gigas de crim. les. Maie. in tit. quis de crimine, num. 20. replicatur in Monitorio, quod Princeps Venetus non sit usus privilegijs respectu loci, criminum, & personarum, prout in privilegijs, scilicet intra Ciuitatem Venetiarum dominantem, sed etiam extra, & in eorum usu excesserit, ac ideo per abusum ceciderit à iure privilegiorum, prout cadit privilegiatus quilibet, qui privilegio abutitur ad leos & l. seq. C. de Acquæduc. lib. 11. q. 3. & cap. tuarum de privileg. Ruin. cons. 28. nu. 5. lib. 1. Crau. cons. 21. nu. 3.

Sed tamen his non obstantibus Princeps ipse triplici respectu defenditur. Primo enim si Curia Rom. admittit Diplomata illa Syxti IIII. Innocentij VIII. & Pauli III. memorata in Monitorio ex vi assistentiæ iussæ auctoritate Pontificia de persona Reuerendi D. Vicarij Patriarchalis in examinibus Clericorum pro dictis criminibus, presupponere, & inferre, quod Princeps habeat facultatem cognoscendi de his criminibus, & pro his puniendi Clericos ex concessione Pontificia; Equidem allegando Principem cecidisse ratione abusus, super hoc necessaria est cognitio; nam non sufficit dicere, nisi probetur ad-glos. in Rubr. ff. si quadr. paup. sec. dic. nec releuat allegare quod Princeps usus sit hac licentia etiam pro criminibus extra Ciuitatem Venetiarum commissis: nam Syxtus IIII. per aliud breue suum extendit facultatem ab ipso concessam pro Ciuitate Venetiarum ad totum Dominium Reipublicæ, & præterea concessio Principi, & Regi Ciuitati facta extenditur, & seruatur in toto statu, quia non licet membra à capite discedere cum non liceat de præscript. & in puncto sic arguit Paul. Cast. in suo famoso cons. 164. in præsentico. l. 1. lib. 2. sequuntur posteriores Tiraq. de iur. primogen. q. 68. num. 7.

Secundo, & alia via etiam secundum iuris regulas Princeps



ceps tueri se potest. Præsupposito namque quod ex vero priuilegio Summi Pontifices potuerint hanc potestatem iudicandi, & puniendi Clericos in Sacris concedere, & transferre in Principem ipsum Ven. prout Curia admittit, & de iure, vt dixi supra, verum est, dico, quod licet ex solo vsu immemoriali allegante Principe se præscripsisse, dubitari posset non esse inductam legitimam præscriptionem, præsupposita incapacitate talis iuris in personam Principis Laici; attamen si ultra vsum immemorabilem Princeps alleget id per priuilegium sibi à Pontificibus concessum, ex vsu ipso, & allegatione priuilegij simul iunctis probatur præsumptiue priuilegium, & inducitur priuilegium præsumptum; Quod quidem tantam vim habet, quantum verum probatum per instrumentum: nimirum quia legum præsumptiones sunt liquidissimæ probationes, & probationem liquidam faciunt ad. *Jas. in l. licet Imperator col. 2. ff. de leg. 1. vbi concordantes adducit. Antecedens autem præcisè in terminis nostris firmavit Decian. d. loco, num. 67. post Aufrer. & Alex. conf. 6. ad finem lib. 1. inquit enim, quod ex vsu immemoriali iudicandi Clericos in grauib. allegante Principe id fecisse ex priuilegio Pontificio credatur sibi, & priuilegium præsumptiue probetur.*

Addo idem esse etiam in priuatis inferioribus à Principe, qui per tempus immemorabile exercuerit spiritalia, quæ sint iurisdictionis, non ordinis, & allegantibus id fecisse ex priuilegio Pontificio, fundatam habeant intentionem ad illud præsumendum, ob vsum illius iuris immemorabilem Butr. *Jmol. & Abb. in c. cum apostolica de his quæ fi. à prelat. Raph. Cum. conf. 83. Barbat. conf. 35. colum. 2. in 2. vbi de communi, Ias. conf. 156. lib. 2. Rip. in c. 2. num. 74. de iudic. Lamber. de iur. patro. lib. 1. par. 1. art. 3. 10. q. princ.*

Et de Principe asserente sic facere ex priuilegio, vt ei credatur

tur Bal. in l. exemplo ad finem, C. de probat. Flamin. Paris. de resignat. lib. 8. q. 11.

Quibus sic propositis, obiectio, quod exemptio Clericorum sit iuris diuini, nullum in re hac facit negocium. Nam, si verum est præsuppositum illud communiter receptum, & admissum, Summum Pontificem ex privilegio vero transferre posse in Laicum potestatem iudicandi, & puniendi Clericos in Sacris pro certis criminibus, præsupposita etiam illa traditione, quod exemptio Clericorum emanet à iure diuino. Ergo & ex privilegio præsumpto idem sequitur effectus: nam præsumptum privilegium æquipollet vero: quoniam tantum potest fictio, & iuris præsumptio in casu ficto, & præsumpto, quantum veritas in casu vero l. qui ad certum, ff. locat. l. 1. in princip. C. de rei ux. act. plene notat in l. si is, qui ff. de vsucap.

Cæterum postquam incidit hic punctus de exemptione Clericorum, an sit iuris diuini, an vero iuris humani positivi, aliqua dicam. Sanè in re hac contraria sunt opiniones relatæ à Didac. d. c. 31. à Franc. Victor. de pot. Eccles. Relect. 1. q. vlt. & ab Illustrissimo Card. Bellarm. de potest. Pap. lib. 1. cap. 28.

Nam licet in causis spiritualibus, & in criminibus Ecclesiasticis, veluti Hæresis, Simonia, Apostasia, & huiusmodi absolutum sit Clericos exemptos fore à potestate seculari, & subiacere potestati Ecclesiastica; attamen in criminibus Secularibus homicidij, furti, prodicionis, & alijs videtur quod Regia potestati Seculari subiaceant ex iure etiam diuino, & id deduci videtur ex tex. quem ad hoc pondero in cap. nos si incompetenter, §. item notandum 2. q. 7. vbi legitur, quod in causis Seculi Dauid Rex præerat Sacerdoti, in causis autem Dei Sacerdos præerat Regi. Nec in Scriptura vetere Legi ego locum, quod Sacerdotes in criminibus Seculi exempti essent à Regia potestate. De iure autem diuino secundum Legem nouam Euangelicam

non legitur ex ore Christi exemptio hæc, immo secundum quædam loca specialia satis nota, videtur, quod Christus, & Apostoli recognouerint potestatem Secularem in Cæsare: reddite Cæsari, &c. Matth. cap. 22. & iterum Matth. cap. 17. ubi Dominus noster mandauit Petro, ut pro utroque solueret Didracma. Rursus Beat. Petr. Apost. in sua prima Epistola. cap. 2. admonuit Discipulos suos, dicens, Estote subditi siue Regi tamquam præcellenti, siue Ducibus ab eo missis, &c. & ibi indistinctè loquitur. Præterea Beat. Paul. Aposto. in Criminali causa appellauit ad Cæsarem Act. c. 25. & ulterius docebat, ut omnis anima potestatibus sublimioribus sit subdita ad Rom. cap. 13. ad Titum c. 3. & Sanctus Augustinus ad Romanos in c. omnis anima de censibus, ubi arguit subiectionem à præstatione tributi. Tributum autem Christus Deus Cæsari solui, & reddi mandauit. Ergo: Unde dubitabile admodum est, quod Clericorum exemptio sit iuris diuini. Quare moderniores suprarelati concordare student, ut ea exemptio non ducatur ex verbo Dei, sed ab exemplis in Sacra Scriptura, & à ratione ducta ex iure naturali, quia Clerici sunt personæ consecratae Deo, & in sortem Domini, cui etiam exemptioni ordinatae per constitutiones Summ. Pontificum debent Princeps Seculi consensisse. Verum, etsi sic concedamus, non tamen euadimus, quod illorum exemptio non sit iuris humani. Siquidem ius humanum sit, quod procedit nequā ex constitutionibus Pontificijs, sed etiam ex Conciliaribus Decretis. tex. ad hoc in cap. non debet de consang. & affinit. & inde Abb. notauit in 3. not. quoniam, & Conciliaria Decreta sunt reuocabilia; nisi ius diuinum in latiore significatu accipiamus, ut per eundem Abb. in d. c. nimis in fine. Sed de his iam satis.

Tertia autem Via Princeps se tuetur: namque ex diuersis & inter se differentibus defensio permittitur iure scripto sic

concedente ad Luemo prohibetur, ff. de exception. proponit itaq; Princeps Venetus à fundatione suæ Reipublicæ anno à Christo 421. circiter exercuisse potestatem hanc iudicandi Clericos in Sacris pro criminibus grauib; , & atrocibus vsque in hæc tempora, idque historicè demonstrat. Translato namque Imperio à Romanis in Græcos à Constantino Mag. Imperatore anno à Christo nato 308. circiter per leges scriptas publicas planè constat temporibus Theodosij, & Valentiniæ, qui quidem in Imperio Consortes regnarunt anno 431. & Martiani imperantis anno 452. & Leonis I. Imperatoris, qui imperauit anno 458. Clericos, & Episcopos tam in ciuilibus, quàm in criminalibus causis subiectos fuisse potestati Imperatorum Magistratum, vti planè legitur in l. si qua per calumniam, & l. cum Clericis, & in l. omnes, C. de Episc. & Cleric.

Iustinianus autè Imperator in Imperio successor anno 525. per nouellas suas leges constituit, vt Clerici in causis pecuniarijs profanis, & in spiritualibus ciuilibus, aut criminalibus haberent iudices suos Episcopos: in causis autem criminalibus pro criminibus secularibus Iudices haberent Magistratus, & Præsides Prouinciarum Laicos, vti legitur in Auth. vt Clerici apud proprios Episcopos, Transumpta per Irner. C. de Episc. & Cler. Auth. nullus, & Auth. Clericus, & continuauerunt Clerici sub iugo potestatis Secularis in criminalibus, vsque ad tempora Federici Secundi 1200.

Hic enim lege publica lata nominatim soluit Clericos à suis Iudicibus Secularibus, & in ciuilibus, & in criminalibus omnibus, eosque remisit ad suos ordinarios. Cuius constitutio legitur post titulos feudor. incip. Federicus in §. item statuimus, transumpta ab Irner. C. de Episc. & Cleri. Auth. item statuimus. Vnde post hæc Clerici per has leges Imperiales euaserunt potestatem iudicalem Imperatorum Occidentalium in criminalibus.

libus. Orientales autem iuxta Constitutiones Iustinianecas retinuerunt in criminalibus usque ad exitum illius Imperij in personam Constantini Paleologi ultimi Imper. 1485. & in Regno Angliæ, dum Christi religio sub Sedis Apostolica auctoritate in maximo cultu esset Reges, & Regij Magistratus Seculares de delictis Clericorum cognoscebant, & culpabiles Clericos damnabant, uti legitur apud Rot. Roman. in antiq. sub Rubr. de consuet. decis. 10.

Interea autem in incursionibus Athila tempore Theodosij, & Valentiniani initia, & successivis temporibus incrementa sua habuit Respubl. Ven. nullum superiorem in temporalibus recognoscens proprijs suis legibus, & moribus vivens conformibus, ut par est credere, moribus, & v'sibus Imperatorum tunc imperantium cum superioritate in iudicijs supra Clericos.

Anno autem 776. secundum glos. nostram in c. venerabilem de electio. Historici autem Blondus, Sabellic. & Sigon. dicunt anno 800. tempora Leonis III. Papa Imperium Occidentale principium habuit in Carolo Magno, inter quem, & Nicephorum successum in Imperio Græco diuisa fuerunt prouinciæ. Domini autem Veneti dimissi fuerunt in sua libertate, veluti apud eosdem legitur Blond. lib. 1. Decad. 2. fol. 8. Sabellic. rerum Venetarum lib. 2. post principium. Vnde arguitur, quod eo tempore, sicuti Imperatores cognoscebant de causis criminalibus supra Clericos, sic quoque DD. Veneti in civilibus tacito suo consensu eos remisisse ad Iudices suos Ecclesiasticos, & criminalium cognitionem pro criminibus Secularibus grauib, & atrocibus retinuisse, & continuarunt usque in hanc diem non obstante Federici II. relaxatione, cuius edictalis constitutio non potuit DD. Venetis præiudicare liberis à iugo potestatis Imperatoria.

Nec quidquam obest, quod Princeps Venetus non in omni-

bus criminalibus iurisdictionem suam supra Clericos exercuerit, sed in atrocibus, & in grauioribus tantum, in cæteris deferendo potestati Ecclesiastica. Nam respondetur tres considerari species criminum, leuia, maiora, maxima & grauiora. Unde licet per non vsum primarum duarum specierum dici possit Principem ipsum detulisse potestati Ecclesiastica, per vsum tamen tertie speciei in maximis & grauioribus retinuerit ius suum; nam de iure conceditur, vt per vsum longæuum certa speciei iurisdictionalium acquiratur ius, & possessio in illa specie, in alijs non ad Innoc. & Canonistas in c. dilectus de Capel. Monach. Bar. in l. 1. §. si quis ff. de itin. actuque priu. Aret. in c. 1. col. vlt. de constitut. Socin. conf. 111. col. vlt. in 1. Jaf. in l. 3. in fi. prin. ff. de acquir. poss. & Docto. alibi sape. Fortius ergo retinebitur possessio, & ius, quia facilius conceditur retentio, quàm de nouo acquisitio l. per retentionem, C. de vsur. Bal. in l. 2. in 3. not. C. de fideicom. Dec. conf. 298. col. 2.

Item ex vso temporis immemoralis in istis grauioribus, immo etiam per vsum 40. & 50. annorum, non constituto de contrario vso, præsumitur per tempora anteriora, & retrò superiora idem continuatus vsus, si sic allegetur. Sic post Jac. Butrig. & Anton. Butr. Alex. conf. 142. nu. 5. l. 6. sequitur Natt. conf. 431. nu. 26. Grammat. decis. 54. nu. 39. Et hac satis:

Marcus Antonius Peregrinus Iurisconf. Eques & Consultor Ser. Reip. Ven. ex Primarijs Gymnasij Patauini in iure Professoribus. Anno 1606. 30. Ianuarij.

Locus Sigilli.



## RESPONSVM

M. ANTONII OTHELII  
I. C. VTINENSIS,ET IN PATAVINO GYMNASIO ORDINARIJ  
in prima Sede matutina Iuris Civilis Interpretis.

## R E D D I T V M

*Pro Decretis Serenissima Reipublica Veneta.*De non alienandis bonis immobilibus per subditos Laicos in personas  
Ecclesiasticas absque Principis licentia.De non ædificandis Ecclesijs, aut Monasterijs eodem Principe in-  
consulto.Et demum pro facultate iudicandi, & puniendi Clericos pro delictis  
grauibus, & atrocibus.

Adsit Dominus.



ERENISSIMAE Reipublicæ Ve-  
neta Decreto sancitum est, ne qui-  
spiam ex eius subditis possit res immo-  
biles absque Excellentissimi Senatus li-  
centia personis Ecclesiasticis vendere,  
aut quouis modo in eas alienare, ne ve  
donationis, aut ultima voluntatis

titulo liceat alicui bona immobilia eisdem personis Ecclesiasticis  
in perpetuum relinquere: sed transacto biennio, debeant bona  
ipsa publicè distrahi, eorumque pretium in usum, & com-  
modum illorum, quibus relicta sunt, conuerti. Quocirca, cum  
materia hac videatur quodammodo Ecclesiastica, in dubium

teno-



renouatur, num tale Decretum iustum sit, tutaque conscientia ab excelso Senatu fuerit editum.

Scio hac de re doctissimos viros copiose, ac luculenter respondisse; Verum, quia eorum opinio, quam puto verissimam, alijs quoque solidissimis nititur fundamentis, conabor ego nonnulla ex eis, quæ mihi magis urgere videntur, fideliter, ac dilucide explicare, & contrarijs rationibus plene, & ex iure satisfacere.

Huic Decreto quatuor potissimum obijciuntur, quæ primo aspectu rem ipsam eximius considerantibus non facile dilui posse videntur.

Obijcitur enim in primis, Decretum hoc aduersus Ecclesiasticam libertatem editum fuisse, ideoque nullum prorsus, & inuolidum censeri iuxta tex. in c. aduersus de immun. Eccles. in c. nouerit de sen. excom. & in Auth. Cassa. C. de Sacrosan. Eccles. Atque ad huiusce rei comprobationem illud potissimum deducitur, tria esse statutorum genera, quæ libertati Ecclesiasticæ aduersari dicuntur secundum Innoc. & alios in d. c. nouerit.

Primo enim ea sunt, quæ veniunt contra priuilegia spiritalia à Deo, vel Papa Ecclesiæ concessa, cuiusmodi illud est, quod Christus Ecclesiæ in persona Petri indulsit, inquit. Quodcumque ligaueris super terram, erit ligatum & in Cælis. Item quod Decima, primitia, & oblationes sint Clericorum, & ad solos Clericos pertineant, quodque sola Ecclesiæ Ecclesiasticas administret, & cetera id genus, quæ passim super spiritalibus inueniuntur à Summis Pontificibus indulta, de quibus in c. reuertimini 16. q. 1. in cap. cum tua de Deci. & in cap. si Imperator 96. distin.

Secundo ea sunt, quæ veniunt contra priuilegia eidem Ecclesiæ ab Imperatore tributa, cuiusmodi illud est, ut quilibet possit Catholicum Collegium instituere pro libito voluntatis suæ.

sua. Item, vt Ecclesia, vel alius pius locus in rebus sibi relictis iure hereditario, aut legati, vel donationis, venditionis vè, habeat priuilegium, vt actiones ei competentes non præscribantur, nisi spacio quadraginta annorum, reseruato maiori priuilegio Romanæ Ecclesiæ, vt non nisi centum annorum cursu eius iura extinguantur. Item, vt in diebus Paschalibus nemo possit in carceribus detineri, nisi pro crimine enormi, vel, nisi, sit delinquere assuetus. Item, vt fugientes ad Ecclesias inde extrahi nequeant, aliæque complura, quæ passim in volumine Codicis reperiuntur l. 1. & l. pen. cum auth. seq. C. de Sacrosan. Eccle. l. nemo, C. de Episco. aud. l. 1. & tot. tit. C. de his qui ad Eccle. confu. l. Collegium, C. de hered. instit. & §. presbyteros in auth. de Sanctiss. Epif.

Tertio, & ultimo ea sunt, quæ auferunt Ecclesiis, vel Ecclesiasticis personis ius aliquod eidem Ecclesiæ à iure communi concessum, cuiusmodi est facultas cum Laicis contrahendi, & similia faciendi, quæ iure communi, non autem ex priuilegio competunt, vt not. Ant. de Butr. in d. c. nouerit. Abb. ibi nu. 2. & Deci. in cap. Ecclesiæ S. M. de consti. num. 3. post Barto. in d. auth. Cassa num. pariter 3. C. de Sacrosan. Eccle. Magis enim tollitur libertas in ijs, quæ competunt iure communi, quàm in ijs, quæ iure speciali, cum potentius sit ius commune, quàm singulare l. eius militis §. militia missus ff. de milit. testa. & ideo Statuta, quibus disponitur, vt Clerici non possint cum Laicis contrahere, vel ex Laicorum testamento capere, dicuntur esse contra libertatem Ecclesiæ, cum hac iure communi omnibus cõpetant, vt inquit Barto. in d. Auth. Cassa. Feli. in d. cap. nouerit num. 3. Alexan. & alij relati à Decio in d. cap. Ecclesiæ S. M. num. 3. de constit. Necnon Ripa in l. filiusfam. §. Diui num. 81. de lega. 1. Huusmodi autem videtur esse Decretum hoc, de quo agitur, ergo libertati Ecclesiastica contrarium,

trarium, & ex consequenti nullum, & inualidum iudicatur.

Obijcitur secundo loco, Decretum hoc in ea parte, qua prohibet, ne liceat Laicis in perpetuum bona immobilia Ecclesiis, aut Ecclesiasticis personis relinquere, liberam adimere testandi facultatem, quam nec Principes subditis suis auferre possunt. Nam licet solemnitates testamentorum iure civili sint inducæ, ipsa tamen testandi libertas hominibus iure gentium, & naturali competit l. nec enim §. Deportati ff. de milit. testa. tradit Bar. in l. interdum num. 7. de condiç. indeb. Paul. Cast. in l. testandi C. de Testa. Rom. Fulg. & Ias. in l. si testamentum C. eod. Dicit enim naturalis ratio, ut cuilibet licitum sit de proprijs rebus libere disponere. Et si iure Gentium libera testandi facultas data est, ea & iure naturali competere dicitur §. singulorum. Instit. de rerum diuisi. & §. quod vero inst. de iur. nat. gent. & ciu. Immo libertatem testandi esse iuris gen. & naturalis asserunt Theoph. in §. ius autem gentium Instit. de iur. na. gen. & ci. Bar. in d. l. interdum Ias. in Rubr. ff. de acqui. hered. Viglius in §. sed prædicta instit. de testa. num. 4. & cæteri cõmuniter, ut testatur Ias. in d. l. interdum num. 4. Corn. in d. l. si testamentum, & Coia. var. resol. lib. 3. cap. 6. num. 7.

Obijcitur tertio, in hoc Decreto de Ecclesiis, & personis Ecclesiasticis specialiter actum fuisse, quo casu dispositio subsistere non potest ex defectu potestatis, etiam si Ecclesia fauorabilis sit c. bene quidem 96. distin. c. ut animarum de constit. lib. 6. & l. vlt. ff. de iurisd. omni. iud.

Princeps enim Secularis non habet potestatem in Ecclesias, vel personas Ecclesiasticas c. si Imperator 96. distin. & c. Ecclesia S. M. de constitut. Qua ratione dicebat Innoc. in c. 1. de reb. Eccles. non alien. lib. 6. solemnitatẽ introducẽam ab Imperatore in alienatione rei Ecclesiasticæ, de qua in auth. hoc ius porrectum C. de Sacrosan. Eccles. necessariò seruandam non esse propte-

propterea quod non potuit Imperator in rebus Ecclesiæ illam solemnitatem introducere. Etenim ex eiusmodi obseruantia argueretur quædam superioritas Imperij ad Ecclesiā, & Imperator diceretur falcem ponere in alienam messem contra tex. in c. Venerabilem de elect. & in d. c. bene quidem 96. dist.

Quod si lex Civilis de personis, & reb. Ecclesiasticis specialiter disponens, nullibi seruat, etiam si Ecclesiæ fauorabilis sit, quantum minus seruari poterit præiudicialis, cum hæc etiam si generalis sit non extendatur ad Ecclesias, & personas Ecclesiasticas, nisi à Papa fuerit expressim approbata c. si in adiutorium 10. dist. & tradunt Canonistæ in c. ult. de solut. Itaque cum hic simus in materia ad Ecclesias pertinente, lex Principis Secularis neque directè, neque indirectè super ea statuere potuit, nec effectum Iuris Canonici impedire, & ita dicit Abb. in d. c. Ecclesiæ S. M. num. 15. & Dec. num. 34.

Obijcitur quarto, & ultimo ex hoc Decreto, illud quoque inconueniens resultare, ut religiosi, quibus bona immobilia ex ultima voluntate qua sita sunt, post biennium, & inuiti vendere cogantur contra tex. in l. nec emere C. de iur. delib. in l. inuitum, & in l. dudum C. de contrahen. emptio. cum alijs ibi per glos. congestis.

Cæterum his obiectionibus minimè obstantibus, arbitror ego prædictum Decretum iustum esse, summaque cum ratione ab Excellentissimo Senatu promulgatum fuisse. Idque ut affirmem, infra scripta memouent argumenta.

Primo. Nam si quæramus, qualis debeat esse lex, ut obseruatione digna censcatur, Respondetur ex c. erit autem lex. 4. dist. in Et. legis essentiam in his consentire, ut sit honesta, iusta, possibilis, secundum naturam, & consuetudinem Patriæ, loco, temporique conueniens, necessaria, & utilis, manifesta quoque, ne aliquid per obscuritatem incautum captione

contineat, nullo priuato commodo, sed pro communi Ciuium  
 vtilitate conscripta. In hoc autem Decreto hac omnia conti-  
 nentur, ergo iustum est, & inuiolabili obseruatione dignum.  
 Honestum est, quia honestati conuenit, ut bona, & diuitie  
 conseruentur inter subditos Laicos, qui Principem, & ipsam  
 Rempublicam facilius, cum tempus exigit, tueri possunt, quique  
 Ciuitatis onera quotidie subeunt l. cura §. inopes ff. de mune. &  
 honori. Est item secundum naturam Patrie, maximè que  
 conuenit loco, & tempori, cum nostra hac tempestate, ac præ-  
 sertim in hoc Serenissimo Dominio Veneto Ecclesiæ, & Mona-  
 steria tot opibus, totque egregijs commodis abundant, ut ni-  
 hil amplius ab honestate Clericorum expeti posse videatur. Et  
 demum pro communi Ciuium vtilitate, non autem ob priua-  
 tum commodum editum, & promulgatum est, cum non aliò ten-  
 dat, quàm ut inter subditos diuitie conseruentur. Quara-  
 rione etiam statuta illa, quibus passim cautum reperitur, ne bo-  
 na immobilia in externos alienentur, vbi que gentium obseruan-  
 tur, ut testatur Bal. in cons. 349. statuto Placentiæ lib. 1. Albe.  
 in tracta. statu. in 2. par. q. 2. Ange. in cons. 47. quidam Franci-  
 scus. Federi. de Senis in consil. 285. statuto. Cardi. Zabar.  
 cons. 144. num. 1. Paul. Cast. in cons. 89. posset quis nu. 1. in fi.  
 lib. 1. alijque penè innumerabiles congesti à Soc. iun. in cons. 76.  
 num. 26. lib. 3.

Secundo mouet me huiusmodi consideratio. Non debet esse  
 minor auctoritas Principis in condendis legibus, quàm priua-  
 torum in contrahendis celebrandis l. non impossibile ff. de pact.  
 & est glo. Singulari in Rubr. de Decre. Decu. lib. 10. At contra-  
 hentes possunt in contrahendo legem apponere, ut res in Eccle-  
 siam non transferatur secundum glo. communiter receptam in l.  
 si ita quis §. ea lege ff. de verbo. obliga. & Paul. Cast. ibi sub nu.  
 7. ergo & Princeps poterit prohibere, ne bona subditorum in  
 Eccle-

*Ecclesiam transeant. Et, si dicatur, terminos non esse pares, nec eandem subesse rationem, quia in dispositione rei propria plus possunt contrahentes ratione dominij, quod habent, quam statuentes.*

*Respondetur, quod licet statuentes non sint domini particulariter alicuius rei, habent tamen quoddam ius in uniuersum territorium, ita ut super rebus in eo existentibus disponente possint pro bono publico arg. l. pupillus §. territorium, ff. de verbo. signif. & hac potestas disponendi uidetur sufficere, alioquin statutum nullum esset etiam respectu Laicorum, quod tamen falsum est, & ita respondet Soc. iun. in d. l. filiusfam. §. Diuini num. 169. addens & Ruinum ita sensisse, licet diuersis utatur terminis.*

*Tertiò huic sententia suffragatur argumentum illud, quo in simili casu utitur Signo. in suo conf. 21. num. 10. & Soci. iun. in d. §. Diuini num. 170. Inquiunt enim, quod auctoritas testatoris disponentis de rebus suis non debet esse maior, quam ipsius Principis leges promulgantis super rebus in Ditione sua existentibus §. disponat in auth. de nup. & l. 1. C. com. de lega. paulo post prin. Immo minor testatoris auctoritas censenda est l. nemo potest. ff. de lega. 1. & l. testandi C. de testam. Sed testator potest rebus suis legem imponere, ne eius pradia in Ecclesias, aut alias certas personas alienentur l. peto §. fratre & l. cum pater §. libertas de leg. 2. Ergo multo magis ex Principis auctoritate id fieri poterit, ne res eius Imperio subiecta in Ecclesias alienentur ratione publicae utilitatis.*

*Quartò ad hanc sententiam maxime pertinet consideratio Calderini in conf. 21. num. 3. sub tit. de constitut. qui pro hac parte ita argumentatur, Paria sunt aliquid facere in meo loco, vel in meos subditos, arguendo de loco ad personas l. vinum ff. si cert. petat. & l. qui plures ff. de vulga. & pupill. At certum*



est, quòd in meo loco facere possum, quod mihi libet, licet hoc in consequentiam alijs noceat l. proculus ff. de damn. infecto, dummodo principaliter id faciam, ut mihi profit, non, ut alijs damnum afferat l. 2. §. idem ff. de aqua plu. arcen. Ergo eodem modo Princeps legem ferre potest, ut sibi, & Reipublica profit, licet in consequentiam Ecclesia ledatur. Neque enim Princeps obligatus est Ecclesie ad eius commodum conservandum, nisi ex quadam generali equitate, quam excludit charitas ordinata l. Praeses C. de servi. & aqua. Et ideo potest Princeps, ut subdit idem Calderi. per obliquum Ecclesie derogare, nec propterea ad eius iniuriam, sed ad proprium commodum id facere dicitur. arg. l. Titio centum, §. 1. ff. de condit. & demonstr. Nam & Ecclesia hoc permissum est in rebus suis, licet ex eo per obliquum Laici ledantur. & ita quoque voluit Bald. inc. Clerici de iudicijs. & Ias. in d. §. Divinum. 76.

Quintò accedit auctoritas Cardin. Zabari. in cons. 144. nu. 4. qui ex sententia Feder. de Senis ait, quòd sicut valet statutum inhabilitans Laicum passivè, ne recipiat ab Ecclesia, ita valere debet statutum inhabilitans activè, ne scilicet in Ecclesiam transferat; immo addit fortius tenere statutum inhabilitans activè, quam passivè, propterea quod statutum inhabilitans activè concernit bona, quae sunt de iurisdictione Statuentium, quòd non contingit, cum passivè inhabilitat, atque ad hoc inducit, quod notat Barto. in l. rescripto §. sciendum ff. de mun. & honor.

Sextò, & ultimò plurimum confert, quòd in facto supponitur, hanc eandem provisionem in inclita Venetiarum Civitate, eiusque Ducatu tamquam iustam, & equam diutissime observatam fuisse, atque adhuc observari. Ergo eadem ratione, & auctoritate potuit ad totum Dominium, atque ad omnes subditos extendi; quoniam longi temporis consuetudo, & ob-  
servan-



*seruantia equiparatur priuilegio l. 2. §. casus ff. de aqua plu. arcen. & l. 2. §. planè ff. quod vi, aut clam. immo ex longaui temporis cursu Pontificum scientia in huiusmodi casibus praesumitur interuenisse argum. l. qui in aliena §. 1. ff. de acquir. hered. & ex multis comprobat Signor. in practato conf. 21. num. 20.*

*Iam verò, quoniam non ignoramus totam vim praesentis consultationis consistere in diluendis contrarijs argumentis, ad eorum solutionem, ceteris ommissis, deueniendum est.*

*Non obstat igitur primo, quòd huiusmodi Decretum videatur editum contra libertatem Ecclesiasticam, quippe quòd videtur auferre Clericis facultatem cum Laicis contrahendi, & ex eorum testamentis immobilia acquirendi, quoniam ad hanc obiectionem duæ adaptantur solutiones.*

*Una solutio est, per huiusmodi legem non auferri Clericis libertatem cum Laicis contrahendi, sed Laicorum potestatem restringi, & limitari, siquidem eius praeceptum ad Clericos non dirigitur, sed ad Laicos tantum, quibus Princeps imperare potest cap. 2. de maior. & obedi. illud autem praeceptum, quod non imponit frenum Ecclesiasticis personis, sed Laicis, non dicitur esse contra libertatem Ecclesiae, sicuti egregie sensit Gemi. in c. vlt. in fine commeti de immun. eccl. lib. 6. Signor. in d. conf. 21. num. 13. & Socin. iun. in d. §. Diui num. 170. ergo praedictum Decretum non dicitur esse contra libertatem Ecclesiae, sed tanquam iustum, & honestum obseruandum est. Permissum est enim Principi legem ferre ad communem subditorum suorum utilitatem, tametsi ex eadem lege ius aliquorum laedatur, ut in simili dixit Barto. in l. toties, ff. de pollicit. Ruin. in conf. 46. num. 3. lib. 1. & Deci. in conf. 520. num. 10. Paris. in conf. 1. num. 46. lib. 1. & Crauet. in conf. 135. num. 30. quod enim principaliter agitur, non quod in consequentiam venit attendi debet*

debet l. si quis nec causam ff. si cer. pet. l. si sponsus §. circa ff. de donat. inter vir. & vxor. & l. verum ff. de furtis. cum simil.

Et, si quis dicat, quod licet verba prædicti Decreti non dirigantur ad personas Ecclesiasticas, mente tamen, & intentione libertas Ecclesiastica infringitur, cū prohibito Laico, ne transférat bona immobilia in Clericos, videantur ex quadam consequentia & Clerici prohibiti, ne à Laicis res immobiles emanent, aut ex donatione, vel testamento capiant, quemadmodum sentit glo. in d. c. ult. in verbo libertatis. de immunit. eccles. lib. 6.

Respondetur hoc verum esse, ubicunque constat prohibitionem malitiosè, & principaliter in odium, ac præiudicium Clericorum factam fuisse, sicuti apparebat in d. c. ult. ubi qui dominium temporale obtinebant, suis subditis interdixerant, ne Prælati, aut Clerici, seu personis Ecclesiasticis quicquam venderent, aut emerent aliquid ab eisdem, neve ipsis fruges molerent, panem coquerent, aut alia obsequia exhiberent. Sed, ubicunque prohibitio fit non odio Clericorum, sed favore publici, & communis boni subditorum, prout in præsentī casu factum fuisse constat, cum fraudem committere non dicatur is, qui se plus quàm alterum diligit l. cum pater §. titio de lega. 2. neque mente, neque verbis dicitur infringi Ecclesiastica libertas, ut voluit Calder. in præcit. conf. 21. num. 3. Petr. de Anchara. in conf. 11. num. 5. Gemin. in d. conf. ult. & Signor. in præallega. conf. 21. num. 15. Hoc idem sensit Bal. in c. Ecclesia S. M. nu. 8. de consit. dum quarit, an valeat statutum prohibens alienationem in Clericum, & concludit non valere, si principaliter editum sit in odium Clerici, sed, si in favorem Reipub. factum sit, ut non fraudetur publicis functionibus, bene valet statutum; & addit idem Bal. ita sensisse complures magni nominis Iuriconsultos, à quibus nec Dec. dissentire videtur in d. c. Ecclesia S. M. nu. 5. vers. si volumus, dum respondet ad tex. in d. c. ult.

Constitutionem illam sibi locum vendicare, si prohibitio in odium Clericorum principaliter facta sit; quam responsionem probauit quoque Socin. iun. in d. §. Diui num. 170. & Coua. in c. possessor par. 2. §. 4. num. 8. de regu. iur. lib. 6.

Altera solutio est, quia in hac specie non prohibentur simpliciter Laici in Clericos bona immobilia transferre, sed tantummodo eis imperatur, ne sine licentia amplissimi Senatus in Clericos alienent, quo casu nō dicitur laesa Ecclesiastica libertas, cum, obtenta licentia, & in Clericos possit fieri alienatio: nam, ut inquit Feder. de Senis in sua disputa. 85. in fi. aliud est per legem aliquid constitui, per quod omnis via, & omnis modus transferendi dominia rerum in Ecclesiam prohibeantur, & sine causa, aliud est statutum condere, per quod Ecclesia ex iusta causa reddatur inhabilis ad contrahendum cum Laicis absque consensu Principis Secularis. Primò enim casu nullum est statutum, quia odiosum est, & causa probabili caret. Secundo verò, ut iustum, & æquum obseruatur, nec dicitur libertatem Ecclesiasticam subuertere. Et hanc Fede. distinctionem sequutus est Gemin. in d. c. vlt. circa finem commenti, & Deci. d. c. Ecclesia S. M. num. 55. vers. secundus casus.

Non obstat secundo loco, quòd huiusmodi Decretum in ea parte, qua vetat, ne Laicis liceat in perpetuum bona immobilia Ecclesiis, aut personis Ecclesiasticis relinquere, videatur adimere liberam testandi facultatem, quam nec Princeps subditis suis auferre potest, ut dictum est.

Quia respondetur assertionem illam, quòd Princeps non possit adimere, aut restringere liberam testandi potestatem, tanquam hominibus iure gen. competentem, veram intelligi, si id absque publica vtilitatis causa fiat. In his enim terminis loquuntur illi, qui dicunt Principem non posse priuatorum testamentis derogare, aut liberam testandi facultatem restringere,

nempe Archid. in c. Episcopus 88. distinct. Marti. Laud. in tra-  
cta. de priuil. §. 2. 2. Roman. Fulgos. & Corn. in l. si testamen-  
tum C. de testam. Deci. cons. 357. num. 5. & Crauet. cons. 296.  
lib. 2. At si id fiat ex causa Reipub. & subditis utili, utique  
valet Principis dispositio, ut concludunt prænominati omnes  
interpretes, & praesertim Dec. post Barto. in proha. ffff. & in  
l. ult. C. si contra ius, vel uti. pub. Abb. & alios in c. qua in  
Ecclesiarum de constit. firmat. Coua. var. resol. lib. 3. c. 6. nu. 5.  
vers. sexto hanc sententiam.

Non obstat tertio, quod in hoc Decreto specialiter actum sit  
de Ecclesiis, & personis Ecclesiasticis, quo casu ex defectu pote-  
statis non videtur subsistere dispositio, ut dictum est.

Quia cum verba Decreti praeceptiua dirigantur ad Laicos,  
non autem ad Clericos, non dicitur Princeps de Clericis verè  
disposuisse, sed tantummodo Laicorum potestatem angustasse,  
unde fit, ut neque ex defectu potestatis possit huiusmodi pro-  
visio labefactari.

Et, si dicatur, quod saltem indirectè Decretum hoc dicitur de  
Ecclesiis, & personis Ecclesiasticis disposuisse; quod Principi  
Seculari non videtur permissum.

Respondetur hoc verum esse, quando mens, & animus le-  
gislatoris eò principaliter tendit, ut Ecclesiis praeiudicium af-  
ferat, utque Ecclesias dispositioni suae subiiciat. Tunc enim  
sive directè, sive indirectè quidquam constituatur, nulla est  
constitutio, ut in casu d. c. ult. de immun. Eccles. lib. 6. ubi Lai-  
cis interdictum fuerat, ne cum Clericis commercium aliquod ha-  
berent, sed eis omnia etiam ad victum necessaria denegarent, id  
quod nihil aliud erat, quam ipsos obsidione quadam circumue-  
nire, eosque velle inedia consumere, atque iterum ad radices, &  
herbas Sanctorum Patrum relegare. Sed, si statuentis inten-  
tio laudabilis sit, qualis est in proposita specie, & prohibitio non

in odium Clericorum, sed ob publicam utilitatem facta sit, iure facta intelligitur, neque ex defectu potestatis subverti potest. Quod enim principaliter agitur, non quod in consequentiam venit, attendi solet, & multa in consequentiam tollerantur, quæ, si principaliter fierent, non permetterentur l. i. in fin. ff. de fun. dot. cum sim.

Non obstat postremo loco, quod vigore huiusmodi Decreti Religiosi, quibus immobilia ex ultima voluntate quæsitæ sunt, ea vendere post biennium compellantur, & pretium recipere contra l. nec emere C. de iur. deliber.

Quia respondetur hoc casu Clericos non cogi ad vendendum, sed ea lege à Laicis res immobiles capere, ut eas, elapso biennio, pretio accepto restituant, quo casu non dicuntur inuiti vendere, sed oneri suo satisfacere. Neque enim dubium est, quin Princeps ratione publici, & communis boni, possit subditis suis huiusmodi legem imponere, cum ex causa publicæ utilitatis etiam domos, & res priuatorum subditis suis auferre queat, pretio eisdem soluto. l. venditor §. si constat ff. com. prad. tradunt Canonistæ in c. qua in Ecclesiarum de constit. Barto. & Bal. in l. omnes populi ff. de iust. & iur. Dec. in cons. 357. nu. 5. versic. & licet ex causa. Craue. in cons. 95. num. 7. Rui. in consil. 2. vol. 4. & Rolan. à Val. in cons. 71. in prin. vol. 5.

Itaque concludo prædictum Decretum iustum esse, tuta quoque conscientia à Sereniss. Repub. promulgatum fuisse, cum felicissimi status conservationem, non Ecclesiarum detrimentum respiciat.

Verum, quia et aliud extat eiusdem Serenissimæ Reipub. Decretum, quo cauetur, ne Monasteria, Ecclesiæ, Hospitalia, aliave loca similia absque maioris Consilij licentia ædificentur, de huius quoque validitate ex duobus potissimum dubitatur.

Primo, quia Princeps Secularis de rebus, vel negocijs Ecclesiasticis nihil constituere potest c. bene quidem 96. dist. in c. 10.

Et cap. ult. de rebus Eccles. non alienan. Et tam Hospitalia, quam Ecclesia, & Monasteria dicuntur Ecclesiastica. L. omnia C. de Epis. Et Cler. §. 1. Et §. ad hoc in auth. de Eccles. tit. tradit Abb. in c. inter dilectos in fine de donat. Et Cardin. Zabari in c. quia contingit de religi. domib. Immo idem Abbas in c. accedentibus de priuil. in c. 4. de praescript. Et in c. 1. de restit. in integr. ait, quod omnia priuilegia concessa Ecclesiis hodie extenduntur ad Hospitalia.

Secundo, quia loca religiosa non Principis Secularis, sed Episcopi auctoritate constituuntur, & postquam constituta sunt ad Episcopi curam pertinent c. quicumque 16. q. 1. c. de Xenodochijs cum seq. de reli. domib. c. Ecclesia de immun. Eccles. c. nemo de consecr. distinct. 1. cap. cum olim §. 1. de priuil. Et §. si quis autem in auth. de Eccles. tit. ergo non potest Princeps Secularis de Ecclesiis, Monasterijs, aut alijs religiosis domibus constructis, vel construendis aliquid statuere, & ex consequenti nullum est, & inualidum praedictum Decretum à Serenissima Repub. editum.

Sed his non obstantibus, Censeo ego contrarium verius esse, quod immo tale statutum valeat, nec Canonici institutis aduersari dicatur.

Quod enim dicimus Principem Laicum non posse de Monasterijs, aut Ecclesijs quicquam disponere, verum est, si iam constructa sint, & Episcopi auctoritate iam Ecclesiastica facta, nisi boni publici necessitas aliud fieri suadeat, vel si construendo essent, & Princeps propria auctoritate vellet ea construere. Hoc enim proculdubio facere non posset. Et in his terminis loquuntur praecitata iura, Et procedunt auctoritates allegatae.

At si agatur de locis pijs, & religiosis nondum constructis, sed quae in posterum construi possent, nihil impedimento est, quominus Princeps Secularis perlata lege constituere possit, ne



eo inconsulto, adificentur. Hoc enim casu non dicitur se immiscere negocijs Ecclesiasticis, nec de rebus Ecclesie disponere, sed tantummodo cauere, sibi que ipsi consulere, ne cum detrimento status sui eiusmodi adificia erigantur, ne vè, eo inuito, aut ignorante, noua religionum secta introducantur, quae non solum Laicis, sed & ipsis Clericis possent aliquando detrimento esse. Tot enim in dies suboriuntur, interpolanturq; per vniuersum Christianum orbem noua Religionum familiae, & Congregationes, ut valde prospiciendum sit, ne temerè, & sine dilectu recipiantur, cum praesertim nonnullae ex eis societatis potius, quam verae Religionis ritus amplectentes ab eorū moribus, qui de religione Christiana benemeriti Sanctissimis ordinibus, excellentiori que cuidam viuendi formula sese dederunt, non parum alienae videantur.

Cum igitur Decretum hoc nihil aliud respiciat, quam bonum publicum, communemq; salutem, & vtilitatem, neque à Laicis, neq; à personis Ecclesiasticis improbari potest. Nam leges illae, quae communiter omnibus prosunt, ab omnibus quoque obseruandae sunt; Vnde & Dida. Couar. in reg. possessor mala fidei par. 2. §. 4. num. 8. vers. Tertium est de reg. iur. lib. 6. scriptum reliquit, quòd si statutum iuxta temporis, & publici status conditionem regimini publico, & ipsi cōmunitati, cuius pars est ipse Clerus, maxime conueniat, sit que omnibus vtile, à Clericis quoque est obseruandum, ne Respub. graue aliquod detrimentum patiatur, quod omnibus in vniuersum noceat, atque ad huiusce rei comprobationem innumerabiles affert Doctorum auctoritates.

Addo ego prouisionem hanc vel ex ipsis Canonicis institutis etiam ad Principem Secularem pertinere, ut egregie probat, tex. in c. ult. 96. distin. cuius haec sunt verba. Boni Principis

est, ac religiosi Ecclesias contritas, atque conscissas restaurare, novasque adificare, & in c. administratores 23. q. 5. ubi dicitur, quod administratores Secularium dignitatum ad Ecclesiarum tutelam non minus, quam ad pupillorum, ac viduarum protectionem constituti sunt.

Itaque, cum negotium hoc etiam ad Principis Laicituram pertinere videatur, summa cum ratione ab Excelso Senatu prospectum est, ne noua Monasteria, Ecclesiae, aut alia pia loca absque eius licentia erigantur.

Quemadmodum autem in praedictis duobus Decretis promulgandis nihil aduersus libertatem, & immunitatem Ecclesiarum attentatum fuisse ex iam dictis apparet, ita nec aduersus Clericorum exemptionem supremi Reipub. Venetae Magistratus quidquam attentare dicuntur, dum in casibus grauioribus contra Clericos inquirunt, eosque legitimis poenis afficiunt. Etenim inter cetera priuilegia, quae aliàs à Sacrosancta Sede Apostolica eidem Serenissimae Reipub. concessa sunt, illud praecipue à diuersis Summis Pontificibus indultum fuisse constat, ut amplissimi illius Magistratus, quibus causarum Criminalium cognitio demandata est, possint in quibuscunque casibus grauib, & atrocibus aduersus Clericos procedere, eosque culpabiles inuentos condemnare. Ergo vigore talis priuilegij iure aduersus Clericos inquirunt, atque in eos pro qualitate admissi animaduertunt. Neque enim dubium est, quin Romanus Pontifex possit incertis casibus priuilegio fori derogare, siue sit iuris diuini, siue humani c. lector 34. distin. c. verum de fo. compet. & c. Romana §. debet de appel. lib. 6. no. Archid. in c. sunt quidam 25. q. 1. & tradunt omnes in c. decernimus de iud. & in auth. statuimus C. de Episc. & Cler. Vnde & Cardin. Zabar. in c. perpendimus de sent. excom. ait, quod

quod sicut potest Papa unum Clericum subijcere Laico, ita potest omnes Clericos in certis casibus subijcere uni Principi Seculari. Huiusq; resolutionis ratio est, quia, sicut Papa potest causas Spirituales Laicis delegare, ita potest Laicis privilegium indulgere, ut pro certis criminibus valeant contra Clericos procedere; Hoc enim casu Laici censentur Papa Delegati, ut no. glo. in c. Laicis 16. q. 7. Bal. in l. rescripta C. de preci. Imperat. Offer. Feli. in c. 2. de maio. & obed. num. 3. & Card. Zabar. in d. c. perpendimus num. 6. in fin. de sen. excom.

Possunt igitur Illustrissimi, atque Excellentissimi Reipub. Venetæ Magistratus vigore prædicti privilegij contra Clericos atrocium criminum reos inquirere, eosque, prout delictorum qualitas exegerit, punire, & condemnare.

Immo verò, etsi huiusmodi privilegia non extarent, adhuc tamen idem facere eis liceret, cum sint in quasi possessione tanti temporis, de cuius contrario non extat memoria. Talis enim possessio cum allegatione privilegij eis sufficeret, propterea quod ex tanti temporis cursu præsumitur privilegium præcessisse l. hoc iure §. ductus aqua ff. de aqua quoti. & esti. & cap. super quibusdam §. præterea de verb. signifi. facit tex. in c. 1. in fin. de præscript. lib. 6. tradit Alex. in conf. 6. nu. 10. vol. 1. & Dec. in conf. 85. nu. 2.

Simile privilegium habere, & Regem Gallorum assuevit Steph. Ausrerius in Clem. 1. reg. 1. fol. 13. & in suo tract. de potest. secul. super Eccles. persō. prima reg. nu. 20. & seq. Guil. Benedic. in repetit. c. Raynutius de testam. in ver. & uxorem nomine Adalassium Decis. 2. num. 147. ver. pariter cognitio criminum. & Mansue. in sua præf. in titu. de iudi. §. item sciendum. Neque vero mirandum est huiusmodi privilegia tam facile à Summis Pontificibus Principibus Laicis indulta  
fuis-

*fuisse, quoniam in quibusdam criminibus etiam de iure com-  
muni absque ullo privilegio competit Iudicibus Laicis hac fa-  
cultas procedendi, & animaduertendi in Clericos, cuiusmodi  
est crimen assassini, sacrilegi, & alia, de quibus latè per eun-  
dem Aufser. in d. tract. de potest. secul. prima regula per totam,  
& insignem praeceptorem, ac conciuem meum Tyber. Decian. in  
suo tractatu crim. lib. 4. c. 9.*

Et ita Iuris esse opinor Ego Marcus Antonius Oche-  
lius I. C. Vtinenfis, & in Patauino Gymnasio Ordin. in  
prima Sede matutina Iuris Civilis Interpres, ideoque ma-  
nu propria subscripsi, & signavi, saluo semper rectiore iu-  
dicio L. D. Et responsum hoc redditum fuit die 18. Fe-  
bruarij 1606.

Locus Sigilli.

RESPONSVM  
IOACHINI SCAYNI  
I. C. SALODIENSIS,

ET INTER PRIMARIOS PATAVINI GYMNASII  
*Professores Vespere Iuris Civilis ordinarij  
Interpretis.*

R E D D I T V M

*Pro Decretis Serenissimæ Reipub. Venet.*

De non alienandis per Laicos subditos bonis immobilibus in personas  
Ecclesiasticas absque licentia Principis.

De non ædificandis Ecclesijs, & Monasterijs absque pariter eiusdem  
Principis assensu.

Necnon pro facultate iudicandi, & puniendi Clericos pro delictis  
grauibus, & atrocibus.



SERENISSIMVS Princeps In-  
clynæ Reipub. Venetæ cum Senatu ani-  
maduertens frequentissimas fieri bono-  
rum stabilium translationes in perso-  
nas Ecclesiasticas varijs, & diuersis  
titulis donationis inter viuos, iure le-  
gati, obligationis, venditionis, aut  
alterius alienationis, idque graui incommodo tum subditorum,  
tum Serenissimi Domini cedere, de anno 1605. die 26. Martij  
inherendo prouisioni antea facta tam de anno 1258. die 4. Iu-  
nij, quam de anno 1536. vltima die Decembris, publica San-  
ctione prouidit, ne cui liceat quouis colore, siue pretextu ven-  
dere, donare, obligare, in testamento relinquere, aut quouis  
alie-

alienationis titulo transferre bona aliqua stabilia sita non modo in Civitate Venetiarum, sed etiam in uniuerso statu, & uniuersis locis eius ditioni suppositis in personas Ecclesiasticas, ultra biennium absque licentia Excelsi Consilij Rogatorum, decernens irritam, & inanem quamcunque dictorum Stabulum alienationem, aliter factam, sub pœnis in dictis prouisionibus expressis.

Nunc per Sanctissimum Dominum Paulum V. Pontificem Max. harum prouisionum validitas in dubium renocatur, immo verò de iniquitate redarguuntur, tanquam auctoritati Apostolica Sedis praiudicium inferentes, iuribus Ecclesiarum, & personarum Ecclesiasticarum priuilegijs derogantes, ledentesque libertatem, & immunitatem Ecclesiasticam.

Quaritur, utrum prouisiones prædictæ, tanquam valide sustineri possint, quasi vero per eas nihil contra auctoritatem Sedis Apostolicæ, aut Ecclesiasticam libertatem fuerit attentatum.

Non me latet nonnulla ante oculos obuersari, quæ dictarum prouisionum, & nullitatem, & iniquitatem suadere videantur primo, ut aiunt, aspectu, & re minus accuratè considerata.

In primis enim pro constanti supponendum est, omnes prouisiones factas per Principes Seculares, quæ ledunt Ecclesiasticam libertatem nullas omninò existere, cum hoc pro regula traditum sit inc. nouerint extra de sententia excommun. in Auth. Cassa, & irrita C. de Sacrosan. Eccles. Totum igitur pondus difficultatis, & consultationis eo redigitur, nunquid per huiusmodi prouisiones aliquid factum esse dicatur contra Ecclesiasticam libertatem; quòd enim ea laesa fuerit, infrascriptis rationibus suaderi videtur.

Et in primis, stante receptissima opinione omnium tam Legistarum,



starum, quàm Canonistarum, quòd statuta Laicorum dicantur esse contra libertatem Ecclesiasticam, ex quibus tollantur, aut diminuantur privilegia concessa à Papa, vel Imperatore Ecclesiæ, siue personis Ecclesiasticis, quam opinionem tenent & sequuntur Cyn. & Salicet. in d. Auth. Cassa. Bal. in l. cunctos populos C. de Sum. Trinit. & fide Cath. in Auth. statuiamus C. de Episcop. & Cler. idem in Margarita sua in ver. Ecclesia ver. 1. Alexan. conf. 120. & conf. seq. lib. 2. & conf. 16. lib. 4. Sed & contra libertatem Ecclesiasticam esse dicuntur statuta, ex quibus personæ Ecclesiasticæ excluduntur ab his, quæ sibi concessa sunt à iure communi. Imol. in cap. cum terra de Elec. Fulgos. in d. Auth. Cassa. Bald. latè, & subtiliter in d. l. cunctos populos col. 38. cum fortius acquisitum omne dicatur, & per cōsequens difficilius tolli posse, quod alicui competit iure communi arg. tex. in l. eius militis §. militia missus ff. de milit. test. ita vt generalis regula constitui possit, statutum prohibens Clericis non prohibita lege Canonica, vel Diuina, & alij cuicunque concessa dici contra libertatem Ecclesiasticam Felin. in cap. Ecclesia Sanctæ Mariæ num. 69. de constit. idem in d. c. nouerint extra de sent. excom. num. 2. latissimè Card. coniungens dicta per Innocen. & per Bart. in c. perpendimus eod. tit. de sent. excommun. multaq; ad propositum tradit Lopus allegat. 92. diuersa enumerans, ex quibus libertas Ecclesiastica restringi, vel diminui dicatur per statuta Laicorum. Vnde prædicta, applicando ad casum nostrum, non videtur posse negari, quin valde per has prouisiones Ecclesiastica libertas ladi dicatur, cum auferatur Ecclesiasticis personis, & Ecclesiis id, quod privilegio Principum eis concessum fuerat. Nam Constantinus Magnus saluberrima lege prospexit, vt quilibet Ecclesiis, Monasterijs, Venerabilibus Domibus, & p̄ijs locis liberè relinquere posset l. 1. C. de Sacrosan. Eccles. prout etiam Justin. induxit, vt donationes in-

ter viuos facta p̄ijs locis valcant; & ex eis capere possint, etiam si careant insinuatione; cum non excedant quingentos solidos l. illud C. eod. tit. de Sacrosanct. Eccles. prout etiam idem Justinian. fauore Ecclesiarum induxit, vt per venditionem factam Ecclesia, transferatur in eam dominium absque traditione l. vt inter diuinum C. eod. titu: vnde valde privilegia predicta lauduntur per antedictas prouisiones, quæ dominij translationem impediunt in Ecclesias ex contractu venditionis, aut alterius alienationis; quæ tamen concedenda fuisset, etiam nulla rei venditæ traditione facta; vt certè non videatur vniuersitas aliqua statuere posse contra privilegium Culminis Imperialis arg. l. i. §. i. de noui oper. nunc. nec contra Ecclesiam, quæ iure Imperij fungitur, immo maior Imperio censetur cap. solita extra de maior. & obed. multo quæ magis laesa dicitur Ecclesiastica libertas. Cum per has constitutiones Ecclesia tollantur ea, quæ competunt ipsi de iure communi, nempe vt liberè possit acquirere ex cuiuscunque alienatione arg. Ldudum C. de contrahen. emptio. in fin. vbi loco grauis iniuria habetur, quod non possit quis emptorem, quem malit arbitrio suo deligere, ex quo sit etiam, vt in grauem Ecclesiæ iniuriam redundare dicatur, quod emptio stabilium, ceteris etiam abiectæ conditionis hominibus permissa, ipsæ prohibeatur, ab ea quæ procul arceatur; grauibz etiam pœnis impositis; prout & illud in eiusdem iniuriam vergere videtur, quod Ecclesia facta Domina stabilium sibi testamento relictorum, aut acquisitorum titulo venditionis, eadem alienare cogatur, nec vltra biennium retinere possit, cum nemo inuitus comparare, vel distrabere cogatur Linuitum C. de contrahen. emptio. l. nec emere C. de iur. deliber. Linuitus C. locati cum alijs concordantibus, vt certè, si dicitur fieri contra libertatem Ecclesiasticam illud, per quod Ecclesiæ auferitur id, quod ex privilegio Imperatoris concessum fuerat, multò magis Ecclesiastica

ſtica libertas ladi dicatur, ſi auferatur ei per ſtatutum, quod competit de iure communi, ratione paulo ante explicatas Butr. Imol. Felin. d. c. Eccleſia Sanctæ Mariæ, quos refert, & ſequitur Ruin. conf. 95. num. 5. lib. 1. prout arguit etiam Alexan. in l. filiusfam. §. Diui de legat. 1. num. 12. & in conf. 211. nu. 7. lib. 2. poſt Bal. & Fulgoſ. arg. tex. in c. terra extra de elec. ubi Butr. & Imol. cum libertas ſit naturalis facultas faciendi, quod alijs facere licet l. libertas ff. de ſtat. homin. Quæ conſuſio adeo vera eſt, ut procedat etiam ſi per indirectum libertas Eccleſiaſtica lādatur, quia verba ſtatuti non dirigantur in Eccleſiam, aut Eccleſiaſticas perſonas, ſed in ſubditos iuriſdictionis Principis ſecularis; nam ut inquit, Gemin. in d. c. ſin. de immunita. Eccleſiarum primo notabili prohibitio directa ad ſubditos, per quam indirectè prohibeatur libertas perſonarum Eccleſiaſticarū nulla eſt, atque ita paria ſunt facere contra prohibitionem indirectè, prout etiam directè arg. tex. in c. quanto de priuil. Signo. de Homod. conf. 21. num. 2.

Secundo, Si non licet Laicis aliquid ſtatuerere ſuper Eccleſiis, & perſonis Eccleſiaſticis, aut eorum bonis etiam ad eorum cōmodum, & fauorem, quāto minus licebit in eos, vel ipſorum bona aliquid ſtatuerere, quod eis præiudicialis ſit, & damnoſum & concurrente hoc caſu duplici ratione, tūm detrimenti illati Eccleſiæ, tūm & ſurpatæ iuriſdictionis ſtatuerendi aliquid in perſonas ab eorum poteſtate exemptas: aſſumptum autem probatur arg. notat. in c. Eccleſia Sanctæ Mariæ, ubi Abb. Butr. Felin. & ceteri; quod certè non aliunde prouenit, quàm ex defectu poteſtatis cauſæ efficientis, cum nullam poteſtatem habeant Laici ſuper bonis, & perſonis Eccleſiaſticis iuxta notat. in cap. cum omnes, & in c. quæ in Eccleſiarum extra de conſtit. probat tex. in c. bene quidem 96. diſtin. c. 2. de Judic. c. nulli de rebus Ecclēſ. non alien. ita ut violare videatur Eccleſiaſticam liberta-

tem Princeps Laicus aliquid super Ecclesiis, aut personis Ecclesiasticis, quamvis fauorabiliter disponendo, cum Ecclesia dedignetur id agnoscere à potestate Laica, quamvis sit sibi fauorabile, quod est proprium iurisdictionis Ecclesiasticae iuxta not. per Lap. d. allegat. 92.

Tertio, Plurimum augeri videtur difficultas ex eo, quod prouisiones praedictae non per subauditos intellectus, neque tacite, sed expresse in personas Ecclesiasticas dirigantur: prohibetur enim translatio bonorum stabilium à persona Laicorum in personas Ecclesiasticas: quod si statutum generaliter prohibens alienationem stabilium in non subditos, quamvis aptum comprehendere etiam Clericos exemptos à potestate, & iurisdictione Laicorum, eos tamen non afficiat iuxta latè trad. per scrib. in d. c. Ecclesia Sancta Maria, ubi Abb. 1. notab. & latius num. 25. Felin. num. 89. & per quatuor sequentes Dec. num. 37. & de communi testantur Felin. d. num. 89. ne si hoc statuto etiam Clerici comprehendantur, statutum reddatur illicitum, quando minus prouisiones praedictae poterunt afficere Ecclesias, aut Ecclesiasticas personas, in quas prohibitionis verba expresse diriguntur, ut quasi videantur in earum odium emanasse.

Denique, pro hac parte stat auctoritas multorum scriptionum, qui tam legendo secuti sunt in l. filiusfamil. §. Diui de legat. 1. ubi Barto. post Oldrad. num. 12. Io. Crot. num. 88. laso. ibid. in 1. lectura num. 72. & in secunda num. 110. Cardi. Zabbar. conf. 114. num. 5. & alibi saepe scribentes.

Hac etsi non leuè animo scrupulum injicere videantur, cum praesertim in dubio fauore Ecclesiae sit iudicandum l. sunt persona ff. de religiof. & sumpt. fun. re tamen accuratè perpensa, maturoque studio examinata, in eam ego sententiam descendi, ut existimem prouisiones praedictas valide subsistere, &

nihil

nihil per eas attentatum contra Ecclesiasticam libertatem. Quod  
 ut facilius à me explicari possit, duo breuissime præmitto.  
 Primo quidem duas esse potestates, quibus regitur Mundus hic  
 vniuersus Pontificiam, & Regalem, siue Ecclesiasticam, &  
 Laicalem, ut inquit Gelasius Papa in c. duo sunt 96. distinct.  
 atque ita inter se distinctas, ut vna alterius potestati non de-  
 trahat, neque sibi usurpet quod alterius potestatis est pro-  
 prium, quod multis confirmat Sotus in 4. Sententiarum distin.  
 25. q. 2. arti. 1. conclu. 1. Victoria in relectione de potestate Ec-  
 clefia quæst. 1. num. 3. Durandus de origine iurisdic. quæst. 2.  
 Joannes Parisiensis de potestate Regia, & Papali c. 2. Alphons.  
 à Castro lib. 1. de potestate legis pœnalis c. 1. Nauar. in c. nouit  
 de iudic. corolario 16. num. 8. Et quidem Ecclesiastica potestas  
 ordinata est ad finem supernaturalem, inducendo media ad eum  
 finem accommodata, Laica vero ad bonum regimen bonorum  
 temporalium, ad conseruationem Imperij Principi Seculari à  
 Deo concessi, prout unicuique rei inditus est à natura sui ipsius  
 conseruandi, & noxia repellendi instinctus, & ad subditorum  
 securitatem, atque tranquillitatem. Et quidem vtraque po-  
 testas à Deo est Ecclesiastica, & Evangelica per Christum Pe-  
 tro eius Vicario, & successoribus immediatè collata, ut gregem  
 sibi concessum dirigat in viam salutis æternæ. Civilis vero, seu  
 Politica per ius naturæ, cuius ipse est auctor cuique Reipub.  
 concessa, ut latius explicat Sotus in quarto de iustitia, & iur.  
 quæst. 1. art. 4. ita ut cuiusque Republicæ sua ipsius guber-  
 natio competat, prout rebus vniuersis sua ipsius conseruatio,  
 quod etiam eruditè explicat Ludouic. Molina Theologus è So-  
 cietate Jesu de Iustitia Tomo 1. Disputat. 23. ver. victoria,  
 concludens cum Deus auctor sit iuris naturalis, Secularem  
 Principum potestatem immediatè esse à Deo naturam instituen-  
 te, tametsi hominum collectio, qui ad integrandum vnū Reipub.

Corpus simul conueniunt, conditio sit, sine qua ea potestas non resultaret; Itaque Regia potestas à Deo deriuatur, in quem sensum intelligi debet, quod habetur Sapientia 8. per me Reges regnant, & legum conditores iusta decernunt. Cum potestate autem Regia ad Rempub. moderandam coniuncta est potestas condendi leges, quibus gubernetur, ut obseruat idem Alphons. à Castro d. l. 1. de potestate legis pœnalis c. 1. sine quibus Respublica, & Principatus vix ortus occideret, & breuissimo temporis spacio collaberetur; ita ut leges, & præcepta non iniusta Laicorum de iure sint humano; quòd vero illis partem sit de iure naturali, ac diuino, ut explicat idem Molina d. lib. 1. Disput. 27. cui consonat illud Diui Pauli ad Romanos c. 13. omnis anima potestatibus sublimioribus subdita sit, ita ut qui potestati resistit, Dei ordinationi resistere dicatur, cum multis alijs auctoritatibus diuina Scriptura ab eo citatis; Ex quibus infero, quòd cum potestas Serenissima Reipub. Veneta immediate sit à Deo, non ea solum ratione, quam ante explicauì, quæ communis est cæteris potestatibus Principum Secularium, sed alia quoque præstantiore, quod diuinitus inspirati primi Reipub. Conditores ea loca maritima delegerint, in quibus conuenirent in unum, primasque sedes ponerent ad totius Italia fortissimum præsidium, & tutissimum propugnaculum, aduersus Christiani nominis hostes, per consequens eorum potestas penitus sit distincta ab Ecclesiastica, & valide leges condere potest in personas sibi subiectas, quæ ipsius conseruationem, bonumque publicum, & commune respiciant, & per huiusmodi leges nihil attentatum dici posse aduersus Ecclesiasticam libertatem, ut paulo infra latius examinabo.

Secundo præmitto tantam esse vim publici, & communis boni, ut leges à Principe in hunc finem lata interdum etiam Clericos, & personas Ecclesiasticas, eorumque bona ligent, quamuis regula-



regulariter exemptas à potestate Laica. sic Gregorius IX. in c. peruenit de immunitate Ecclesiarum statuit teneri Clericos ad excubias pro custodia, & defensione Ciuitatis, eo quod hoc commune respiciat utilitatem, ut docuit Anchar. in c. non minus eod. tit. de immunit. Eccles. num. 8. & ibidem Abb. nu. 18. Et ob eandem rationem Clericos etiam compelli posse ad præstationem tributum pro bono pacis arg. tex. in c. tributum 24. q. 8. nec non teneri ipsos cõferre pro impensis factis ad cõmunem Ciuitatis utilitatem, ad hostes procul arcendos, eorumque depredationes euitandas respondit idem Anchar. conf. 96. quod etiam respondit Barbat. conf. 1. colum. 6. lib. 3. & fuit decisum per Senatum Pedemontanum, ut per Ofschium decis. 68. nu. 11. Menoch. conf. 800. num. 3. 7. 10. lib. 8. prout etiam tenentur pro expensa excavationis fluminum, constructionis aggerum, reparationis pontium Ciuitatis; Sic enim respondit Collegium Tycinense inter Consilia feudalialia diuersorum conf. 3. post Balin l. ad instructiones nu. 4. C. de Sacrosan. Eccles. latè Lucas de Penna in l. 2. C. de quibus muner. & præstat. liceat se excusare lib. 10. Ofsch. d. decis. 68. Guliel. de Benedictis in c. Rainutius in ver. & uxorem nomine Adelasiam de testam.

Confert etiam, quod à plerisque traditur, edictum Principis Secularis, ne frumentum plus certo pretio ab eo constituto vendatur, ligare etiam Clericos Jo. de Platea post Barto. l. 1. C. de ut nemini liceat in empt. specierum lib. 11. Franch. decis. 2. num. 3. attestans ita fuisse decisum in cons. Neapolitano, Sotus in 4. Sentent. distin. 25. quest. 2. colum. 4. Molina in d. tract. de iust. & iur. disp. 31. colum. 8. vers. sexta conclusio. Nauar. in Manuali confessorum cap. 23. num. 88. cui non absimile est, quod tradit Vasquius in tracta. de success. creat. lib. 1. §. 10. num. 648. nempe legem in Hispania promulgatam, ne quis triticum reuendere possit, etiam à Clericis seruandam esse, cum ad finem

*finem boni publici, & communis promulgata fuerit, ne scilicet  
 annone caritas ingrauescat, & Ciuitas egestate prematur,  
 quod etiam affirmauit Ignatius Lopez in addit. ad Practicam  
 Criminalem Bernardi. Diaz cap. 55. prout etiam Decretum à  
 Principe Seculari promulgatum, ne quis tempore inopiæ deserat  
 extra Ciuitatem annonam, Clericos etiam ligat, vt tradit Dida.  
 in c. possessor par. 2. §. 4. num. 9. post Bal. & Calder. quoniam  
 lex ista pro communi Ciuitatis vtilitate fuerit promulgata,  
 cuius sententiæ eam rationem affert Molina d. disput. 31.  
 vers. sexta conclusio, quod etiam Clerici sunt partes Reipub.  
 eundemque communem Regem, & Rectorem cum Laicis habent  
 quo ad ea, quæ communem Reipub. vtilitatem concernunt, vt  
 meritò eorum legibus subiaccere teneantur, cum Princeps ipse  
 Secularis potestatem habeat ferendi legem, quæ bonum publi-  
 cum, & communem Reipub. vtilitatem respiciat, rerum spiri-  
 tualium cura dimissa Summo Pontifici, & Episcopis, quod  
 etiam tradit Sotus lib. 1. de iust. & iur. quest. 6. art. 2. ita vt  
 predictæ prouisiones Principis Secularis publicum, & commu-  
 ne bonum concernentes vi legis etiam Ecclesiam ligare possint,  
 permulti ex Doctoribus supracitatis affirmant, & asserit So-  
 tus d. lib. 1. de iust. & iur. quest. 6. art. 6. vers. ceterum, Sil-  
 nester Pierius in sua Summa in verbo. lex num. 15. vers. 2.  
 Molina loco proximè citato, concludens Ecclesiasticas personas  
 nec diuino, nec humano iure exemptas esse ab his legibus Ciui-  
 libus, quæ ad bonum, & communem Reipub. administrationem  
 sunt institutæ, cum etiam Clerici sint pars Reipub. eundemque  
 communem Regem cum Laicis habeant, & ideo legibus toti  
 Reipublice Communibus, & commune bonum omnium ciuium  
 concernentibus subiaccere, & quidquid circa hoc dici possit, sa-  
 tis tamen sufficit, quod lex Principis Secularis pro bono publico,  
 & communi vtilitate lata liget etiam Clericos vi rationis na-  
 turalis,*

turalis, & iustitiæ, prout concludit Anchar. in d.c. non minus  
 nu. 8. Lucas de Penna in d.l. 2. C. de quibus muneribus lib. 10.  
 in hoc reiecta opinione Ripæ in tract. de peste in tit. de remedi.  
 ad conseruandam vbertatem nu. 122. cum dixit Edictum de  
 non extrahenda annona è Ciuitate nõ ligare Clericos, quoad an-  
 nonam ex eorum prædijs Ecclesiasticis collectam, cum tempore  
 inopiæ verior sit, magisq; recepta contraria opinio iuxta trad.  
 per Bal. Calder. Didac. & alios supracitados, cum quibus con-  
 sentit etiam, au\* certè non discrepat Hier. Ghirell. conf. 37.  
 num. 1. & seq. lib. 2.

Ad hoc etiam facit, quod à multis traditum est, statutum  
 prohibens alienari stabilia in non subditos iurisdictioni Prin-  
 cipis temporalis, quia conditum est ob publicam Ciuium, &  
 Principis vtilitatem, ligare etiam Clericos, iuxta trad. per  
 Feder. de Senis conf. 35. Card. Zabar. in conf. 144. Croz. in J.  
 Diui nu. 88. & ibidem Ferdinandum Loazes nu. 424. Barbat.  
 conf. 14. num. 11. lib. 1. & in Rub. de reb. Eccles. non alienan.  
 num. 32. latè, & subtiliter Signorol. de Homed. conf. 21.

Neque verò hæc à me commemorata sunt, quasi velim in-  
 ferre prouisionibus supradictis ligari Clericos, & alias Eccle-  
 siasticas personas, cum vrè ligentur soli Laici subiecti iurisdic-  
 tionis Serenissima Reip. atq; quasi velim affirmare ex probi-  
 bitione prædicta resultare commodum etiam Clericorum, atque  
 ita bonum tam Clericis, quàm Laicis commune, in quem sen-  
 sum decisiones à me supra commemorata iustissimæ sunt; sed  
 eo tantum consilio, vt inde apparere possit non dici aliquid fa-  
 ctum contra Ecclesiasticam libertatem, quia ratione publici, &  
 communis boni etiam persona Ecclesiastica comprehenduntur  
 in dispositione, per quam eas in aliquo grauari contingat, quia  
 aliquam diminutionem suorum reddituum patiantur, minus-  
 uè lucrentur eo, quod lucratura fuissent, si non intelligen-

tur in tali dispositione comprehensa, quamuis etiam probabiliter attentari possit per supradictas prouisiones, non modo non laedi, aut infringi, sed magis foueri Ecclesiasticam libertatem, ut ex infra dicendis apparebit.

Jam igitur rem aggrediendo, dico, per huiusmodi prouisiones, non posse dici Ecclesiasticam libertatem violatam ex pluribus.

Primo, non debet esse minor auctoritas statuti conditi per Laicos, aut prouisio facta per Principem, quam priuatorum iuxta notat. per glos. in rub. C. de decretis decurion. super immunit. prestand. lib. 10. & probat tex. in l. non impossibile, ff. de pact. in l. non solum C. de no. op. nunc. immo vero omnis ratio suadet, quod auctoritas vniuersitatis condentis statutum debeat esse maior l. nec ex pretorio l. neque pignus ff. de re iud. l. priuatorum l. fina. ff. de iurisdic. omnium iud. at vero quilibet priuatus potest imponere legem rei sue, ne transeat in Ecclesiam l. si ita quis §. ea lege iuncta ibid. glo. 1. & his, quae traduntur per scribentes ff. de verb. oblig. prout etiam valet pactum adiectum per venditorē fundo, quem vendit, ne vlllo vnquam tempore efficiatur sacer, vel religiosus, & sic ne vlllo vnquam tempore transeat in Ecclesiam l. fin. C. de pact. inter empt. & vendit. si hoc potest fieri per pactum priuatorum, quanto magis fieri poterit per statutum Laicorum, cuius longe maior est auctoritas, quam conuentionis priuatorum l. non est singulis ff. de regul. iur. Nec obstat huic fundamento, quod ex aduerso per nonnullis obijcitur, ubi quis disponit de re. propria, plus operari pactum, quam statutum ad trad. per Abb. in c. cum dilectus de arbitris in 7. col. cum enim quis tradit rem venditam cum pacto, quod non possit fieri alienatio in Ecclesiam, disponit de re. propria, & propterea pactum est validum; quae ratio cessat in vniuersitate, vel Principe statuente, qui carent proprietate

prietate rerum subditorum; nam, ut inquit Dec. in d. c. Ecclesia Sancta Maria nu. 36. Princeps Dominus dicitur omnium, quæ intra eius Territorium continentur, si minus ratione proprietatis, certè ratione iurisdictionis, & protectionis iuxta not. in l. de precatio ff. ad l. Rhod. de iact. propterea argumentatio prædicta valide subsistit, alioquin sequeretur, quod neque statutum valere posset, per quod prohibetur alienatio stabilium in forensem, quod tamen ex communi, & receptissima omnium sententia est validissimum, de qua testatur Jas. d. §. Diuini secunda lectura nu. 106.

Secundo, validitatem harum prouisionum suadere videtur æquitatis ratio, quæ semper spectanda est l. quod si ephesi ff. de eo, quod certo loco. l. prouidendum C. de postul. nec enim debet admitti quis ad petendum id, cuius contrarium non esset postulaturus l. si ea lege C. de usur. l. penul. C. de solut. quod enim quis in sui persona æquum existimat, id etiam in alterius persona debet æquum existimare. l. si duo §. si quis iuncto §. sequent. ff. de iureiur. & confert totus Tit ff. quod quisq. iuris in alium statuerit. Atqui Ecclesia iustum esse putauit, & verè iustum est, ut res, quæ ad eam peruenit ex liberalitate Laicorum, non possit rursus in Laicum transferri, nisi sub certa forma, & obseruata solemnitate, nempe de licentia Pontificis, & ex causa necessitatis, aut euidentis utilitatis Auth. de rebus Ecclesiæ non alien. per totum: Eas igitur etiam non æquo animo patiatur, quod Princeps Laicus pro bono regimine status sui decernat, ne bona stabilia subditorum suorum in Ecclesiam transferantur sine ipsius Principis licentia prohibentis id ex causa maioris boni, & longè præstantioris, quam sit bonum, quod Clerici facere possent in acquisitione, & retentione stabilium; cum præsertim loco stabilium valorem ipsorum sint consequuturi, quasi rem ipsam habituri, cum pre-

rium loco rei succedere videatur l. si & rem, & pretium ff. de petit. hered. Cum præterea pecuniam ex stabiliū alienatione redigendam in emptionem aliorum stabiliū extra ditio- nem Serenissimi Principis existentium conferre possint, aut sub annuo censu tradere, qui census maioris etiam redditus sint futuri, quàm, qui ex fructibus stabiliū singulis annis percipi possent.

Tertio, alienatio rei dotalis prohibita lege Ciuili afficit etiam Clericos, cum alienatio illius rei facta personis Ecclesiasticis sit etiam nulla iuxta doctrinam Abb. in d. c. Ecclesia Sancta Mariae ad fin. & in c. quod Clericis 7. col. de foro comp. non alia ratione, nisi quia prohibitio legis est in rem, & illam afficit, ita vt mulier inhabiletur ad alienandum. Idem ergo videtur dicendum in casu proposito, nec enim prouisiones prædictorum dicuntur ligare Clericos, sed tantum subditos, & impedire ortum obligationis ex tali contractu. Qua ergo ratione valet statutum, aut lex etiam quo ad Clericos, quando loquitur in rem, quia non ligat Clericos, sed tantum subditos; eadem ratione idem esse debet, quando inhabilitat personam subditi ad alienandum, prohibendo alienationem stabiliū in Ecclesia: Nec obstat, si dicatur prohibitionem alienationis rei dotalis inductam lege Ciuili afficere etiam Ecclesiam, quia non sit generalis respectu omnium stabiliū, sed specialis respectu solum rerum dotaliū, ita vt ex hac prohibitione Ecclesia modicè ledatur, secus respectu alienationis omnium stabiliū, per quam grauissimè, & immoderatè ledatur, prout considerat Ruin. in d. §. Diui num. 95. Nam respondetur, quòd, sicut prohibitio alienationis rei dotalis afficit etiam Clericos speciali fauore dotis, ita prohibitio alienationis omnium stabiliū in personas Ecclesiasticas inducta per suprascriptas prouisiones pro communi bono omnium subditorum, & pro conseruando Principis Imperio



Imperio intacto, & illibato, vim habere debet obligandi omnes subditos, quamvis inde personis Ecclesiasticis resultaret aliqua diminutio lucri, quod forte facere possent ex acquisitione, & retentione stabilium. Nam, ut considerat Signorol. de Homod. conf. 21. num. 13. huiusmodi prouisiones non inijciunt frenum personis Ecclesiasticis, nec eorum bona quidquam attingunt, solum limitant potestatem subditorum circa alienationem stabilium, quod facere licet Principi, & Reipub. arg. l. cunctos populos C. de Summa Trini. & fide Cath. l. ius dandi l. pupillo ff. qui tutor. dare poss. qui etiam subdit, quod, et si ex limitatione predicta in quandam consequentiam persona Ecclesiastica videatur prohibita contrahere, & acquirere, ex quo subditus prohibitus est rem immobilem in ipsam alienare, & ita non reperit, qui scum contrahat; hoc tamen non est habendum in consideratione, sed quod principaliter agitur arg. l. 1. ff. de offi. presid. l. si quis nec causam ff. si cert. pet. l. si sponsus §. circa ff. de dona. inter vir. & uxor.

Quarto, Nam et si Laici non possint facere statuta, per quae praedictum aliquod fiat Ecclesiis, aut Ecclesiasticis personis in iam quasitis, praeterquam, si quid forte statuunt pro bono publico, cuius utilitas etiam Clericis sit futura communis, non tamen prohibentur pro communi bono, & ad publicam utilitatem; maxime vero pro conseruatione Imperij, quod habent, facere prouisiones respectu rerum eis acquirendarum, & huc confert vulgata regula, quod facilius praedictatur in querendis, quam in iam acquisitis l. qui autem in princip. ff. de his quae in fraud. cred. l. fina. C. de acquir. posseß. & hinc est, quod Praelatus potest Ecclesia sua conditionem facere deterioiorem in acquirendis, non in quasitis iuxta glos. in c. fin. 16. quaest. 6. Innocen. in c. 2. extra de donat. Canonista in c. 1. de dolo, & contumacia Abb. in c. tua ad fi. de bis, quae fiunt à Praelatis sine consens. Capituli,

pituli, & in c. verum extra de for. compet. Bar. & ceteri in l. iubemus nullam argum. illius tex. C. de Sacrosan. Eccles. Surdus conf. 116. num. 82. & ideo Bal. conf. 11. quod est insertum inter Consilia Anchar. concludit, quod etsi in iam quesitis Laici nullo ingenio possint derogare iuribus Ecclesiarum d. c. Ecclesia Sancta Maria, tamen in acquirendis est secus, si Laici non faciunt hoc malo animo, neque intentione praeiudicandi Ecclesiae, sed principaliter pro bono publico, ut communi utilitati Reip. consulant, & sibi profit in his, quae ad sui status conseruationem pertinent; quod etiam sequitur Quintil. Mandos. in addit. ad alleg. Lapi 92. in litera T. concludens per statutum Laicorum posse praeiudicari Ecclesiae, seu Ecclesiasticae personae in quarendis, si Laici hoc non faciunt praua intentione nocendi Ecclesiae, & eius iura laedendi; simileque est eiusdem Bal. consilium lib. 4. conf. 496. & huc etiam pertinet, quod tradit idem Bal. in rubr. extra de constitut. dicens valere statutum Laicorum, quod Ecclesiae nullo tempore possint prescribere res immobiles Laicorum, ne aliqui Civitas defraudetur collectis, ad quas Clerici non tenentur: Confert, quod tradit idem Bal. in c. quae in Ecclesiarum de constitut. nempe licitum esse Laicis prohibere alienationem rerum stabilium, quae sunt obnoxiae tributis, aut collectis in Clericos, vel Ecclesias, ne, si in eos transferantur, Respub. careat subsidio collectarum: nec est absimile, quod tenet Barto. in l. scripto §. fina. ff. de muner. & honor. Quod, etsi Laici non possunt condere statutum, per quod imponatur collecta pro possessionibus iam quesitis Clericis, aut Ecclesiasticis (nam id esset contra libertatem Ecclesiasticam) pro his tamen, quae non sunt adhuc Clericis, aut Ecclesiis acquisita valide statutum fieri potest, quod praedia per eos acquirenda sint obnoxia oneribus collectarum, dicens ita fuisse pronisum per Perusinos, qui imponunt onera collectarum omnibus praedijs per Ecclesias acquirendis;

quam

quam opinionem sequitur etiam Bal. in l. placet C. de Sacrosan. Eccles. & hoc etiam extat pulcherrimum consilium 7. sub tit. de conflit. Ioan. Calderini summi Canonistæ, ubi etiam respondet obiectioni, quæ fieri posset per tex. in Auth. item nulla communitas C. de Epif. & Cler. nam tex. ille loquitur de munere extraordinario, quod per Laicos imponitur Ecclesiæ tempore, quo res iam erat in dominio Ecclesiæ, & ante non erat hoc onere affecta, secus, si tale onus rei sit impositum ante, quam peruenisset in Ecclesiā, concludens tale statutum non dici contra libertatem Ecclesiæ, quoniam aliud sit imponere onera collectarum Ecclesiæ pro rebus Ecclesiæ hoc onere non affectis ante, quam ad eam peruenirent, tunc enim verè talium onerum impositio esset contra libertatem Ecclesiæ; aliud autem tale onus imponere rebus, quæ nondum ad Ecclesiā peruenierunt, sed peruenire possunt, tunc enim nihil attentatum dici posse contra Ecclesiasticam libertatem; concludens, cessante fraude, quæ præsumi non debet c. 2. extra de reg. iur. talia onera posse imponi etiam ad præiudicium Ecclesiarum, ad quas bona peruentura sunt pro bono publico, & pro tuitione Ciuitatis, ad quod adducit etiam tex. in auth. de Santiss. Episc. in §. si quis autem litigantium, & in l. si quis litigantium C. de Episcop. & Cleric. per quas leges dixit Oldra. Episcopum non habere Territorium, nec ratione Territorij iurisdictionē: sed omnem iurisdictionem residere penes Principem Temporalem respectu bonorum intra eius Territorium existentium. ex his arguendo videtur inferri posse licere Principi pro bono publico, & ad tuitionem Ciuitatis Ecclesiæ præiudicare respectu bonorum stabilium acquirendorum, interdicta Laicis subditis alienatione eorum in personas Ecclesiasticas; quo genere argumenti utitur, & illud latè prosequitur Jus. in d. §. Diui in 1. lect. à num. 76. ad num. 81. & in secunda, num. 113.

Quinto, illa dispositio, quæ tendit ad officium Charitatis, non est improbanda, tanquam illicita, sed immo laudabilis existimanda. præses C. de seruit. & aqual. si quis §. de alimentis ff. de liber. agnos. Verum huiusmodi prouisiones tendunt ad officium charitatis, nempe, ut homines Principis Imperio, & protectioni subiecti magis habeant, quam, qui sunt ab eius iurisdictione exempti, quales sunt regulariter personæ Ecclesiastica; quo argumenti genere utitur in hac materia Bald. d. conf. 11. num. 3. inter conf. Anchar. concludens, quod, cum Princeps ex ordinata charitate teneatur magis sibi ipsi, & status sui conseruationi, ac subditorum utilitati prospicere, non est existimanda lex iniqua lata per eum, quam fouet simul charitas, & ratio naturalis, quamuis ex accidenti Ecclesiarum, & Laicorum conditio in aliquo deterior fieri videatur per prohibitionem alienationis stabilium factam subditis in personas Ecclesiasticas. Si enim per hanc legem Princeps nec sibi, nec subditis prodesset, personis autem Ecclesiasticis iniuriosus fieret, & noceret, lex iniqua dicenda esset arg. l. 2. §. idem Varus, ff. de aqu. plu. arcen. Verum ex quo lex utilis est Reipub. & subditis salutaris, ratione paullo infra explicanda, non debet, nec potest redargui Princeps, qui talem legem tulerit æquissimam, considerata eius principali intentione, & ordinata charitate, quamuis per accidens in quandam consequentiam aliquid ex ea præiudicium personis Ecclesiasticis inferatur.

Sexto, mouet me non parum illa quoque consideratio: constat enim posse quemlibet priuatum heredem institutum ab eius hereditate repellere sub conditione, si Monasterium fuerit ingressus, & Monasticam vitam elegerit, dummodo clare de hac ipsius voluntate conslet, taliq; casu Monasterium excludi per substitutum, ut, post longam disputationem, concludit Iacob. de Beluis. in §. sed & hoc præsentè in Auth. de Sanctis.

Episc.

Episc. & quod fauor Monasterij, & religionis non debeat impedire manifestam testatoris voluntatem, qui potest rebus suis, quam velit legem imponere, quia, etsi fauorabilibus personis, & causis debitores simus, non tamen ita debemus, ut alijs iniustitia committatur c. ex timore de foro comp. sequitur Salicet. in Auth. nisi rogati num. 6. & ibid. Paul. de Castr. nu. 3. Corn. num. 7. C. ad Trebell. late Dec. in c. in praesentia num. 64. de probat. idem conf. 259. num. 2. & conf. 426. num. 2. Ripa in l. ex facto §. si quis rogatus ff. ad Trebell. Alex. conf. 121. num. 13. lib. 2. Calca. conf. 7. num. 24. quam opinionem sequitur etiam Didac. Couaru. variar. resolutio. lib. 1. cap. 19. num. 8. 9. 11. aequissimum dicens ob expressam testatoris voluntatem, quae omnino seruanda sit, prout etiam inquit Jacob. de Beluis. loco supra citato latissime Illustrissimus Cardin. Mantica de coniectur. ultim. volunt. lib. 11. titu. 7. num. 18. & per plures sequentes, id autem prorsus indubitatum est, ut omnes vno ore fatentur, quoties apparet testatorem motum ad excludendum Monasterium, quia enixè cuperet bona in familiam conseruari, ut per Dec. d. conf. 259. num. 2. Didac. vbi supra num. 11. Cardinal. Mantica d. tit. 7. num. 21. ut enim turpè, & impium esset à testatore conditionem aliquam adscribi principaliter ad hunc finem, ut quemque auerteret à Monastico instituto, & à religionis professione, aut in odium Monasterij, ita iustissime adijci potest in familiae fauorem; quæ ratione potest etiam pater iustissime maiorem quantitatem filiae nubenti relinquere, longè minorem eidem profitente religionem, quòd longè maior dos necessaria sit nubenti, quàm religionem profitenti, cum maiora onera, maioresque sumptus nuptis, quàm Monialibus incumbant, aut ea saneratione, ut tantò maiorem partem posteris suis relinquere possit, prout tradit idem Couaru. d. c. 19. num. 9. post Iacob. de Beluis. Bal. Salic. Paul. de Castr. Corn. Jmol. Dec.

Crot. Anchor. ab eo citatos. Quòd si quis potest Monasterium expresse à successione excludere, vt bona in eius familia conseruentur, nec propterea dicitur aliquid attentare contra Ecclesiasticam libertatem, cur non licebit etiam Principi, cuius dominio, & protectioni omnes familie status sui subiecta sunt ob bonum publicum, & commune, proque earum conseruatione lege generali prospicere, ne quæ bona stabilia per Laicos Monasterijs relinqui possint, ex quorum alienatione magna familiarum paupertas, & vilitas consequatur, cum Princeps, qui & Pastor populorum nomine nuncupatur instar sit maximi cuiusdam, & prouidentissimi patris familias, eiusque Imperij vires eo maiores, & firmiores reddantur ex singularum familiarum conseruatione. Constat autem familias per diuitias conseruari, & valde Reipub. interesse, quòd in eis diuitie conseruentur l. 1. §. quamuis ff. de ventre inst. §. 1. in Auth. vt sine quoque suffragio; cum per subditorum diuitias Respublica defendantur, vt per Decia. respons. 44. num. 28. lib. 2. argum. tex. in Lad subeunda C. de decur. lib. 10. & per consequens non paruum detrimentum accipiant, si familia subditorum paupertate fordescant; facillimè autem ad paupertatem, & inopiam rediguntur ex stabilium alienatione, cum pecunia inde redacta consumptioni paratissima sit, iuxta vulgatum illud; pecuniam sine peculio rem fragilem esse l. si chorus §. 1. ff. de legat. 1.

Septimo, In hanc sententiam potissimum descendendi ex eo, quòd publicum, & commune bonum priuatorum commodis est preferendum, ita vt liceat à minori bono recedere, vt maiori inserviatur argum. tex. in l. 1. §. fina. C. de caduc. toll. l. vtilitas, C. de primipilo lib. 12. l. actione §. labeo ff. pro soc. Bald. in l. rescripta C. de precib. Imp. offer. in l. quicunque ad finem C. de seru. fug. & est receptissimum apud omnes tam Theologos, quam Canonistas, & Legistas. Atqui hæc prouisiones ordinatæ sunt ad publi-



publicum, & commune bonum resultans ex eo, quòd vires Imperij Serenissimi Principis, & Reipublica conseruentur intacta, & illibata, in aliquo non debilitata, nec imminuta ad communem subditorum vtilitatem, atque felicitatem. Ergo non sunt censenda contra Ecclesiasticam libertatem; cum nunquam dispositio possit damnari, aut reprehendi, tamquam Ecclesiastica libertati repugnans, quamuis per eam grauetur in aliquo persona Ecclesiastica, publica, & communi Reipub. vtilitate hoc suadente arg. tex. in l. ad instructionem C. de Sacrosan. Eccles. in §. sancimus in Auth. de Ecclesiast. tit. in c. aduersus. in c. peruenit de immun. Eccles. Et huc refèrri possunt plurima ex latè per me deductis in secundo euidètiali, quæ hic pro repetitis habeantur, & tanto minus hæ prouisiones, quæ pro fine propositum habent publicum, & commune bonum censeri debent repugnantes Ecclesiastica libertati, cum per eas directo non grauentur persona Ecclesiastica, sed magis subditorum potestas in aliquo limitetur, quamuis per indirectum, & non ex principali intentione Serenissimi Principis legislatoris, Ecclesia prohibita videatur acquirere. Quòd autem ad publicum, & commune bonum sint ordinata, manifestè conuincitur ex ea consideratione, quòd conseruari stabilia subditis pertinet ad rationem publici, & communis boni, nempe vt fructus, qui ex stabilibus percipiuntur, deseruiant oneribus matrimonij supportandis, alendis, & liberaliter liberis educandis l. de oneribus C. de iur. dot. l. si quis à liberis ff. de liberis agnos. l. penult. C. de alendis liberis; immo & nutriendis parentibus, quando sibi ipsis superesse non possunt toto tit. de liber. agnos. & quis non videat hæc omnia pertinere ad publicam vtilitatem l. 1. ff. solut. matrim. & est præclarus tex. in l. si. in §. ipsum autem filium C. de bonis quæ liber. vbi prohibentur filij vendere proprietatem bonorum aduentitiorum, quoniam fructus debent deseruire parentibus iam ad

inopiam redactis alendis, tum etiam ipsorum filiorum causa, quibus expedit eorum iuueniles calores coerceri, ne alioqui voluptatibus indulgentes, facta stabilium alienatione, tristem exitum sentiant, qui eos post dispensum patrimonium expectant; nimis enim lugubre esset cernere parentes ex alienatione stabilium ad paupertatem redactos squalere in sordibus paupertatis una cum uxore, liberis, & parentibus, cum ex eorum conseruatione hac incommoda euitentur; immo & elemosynarum largitionibus ex redditibus bonorum faciendis possint pauperum inopiam subleuare.

Sed & Principis interest bona stabilia subditis conseruari, quibus saluis sint idonei publicis muneribus subeundis l. ad subeunda C. de decur. lib. 10. inhabiles autem reddantur ad paupertatem redacti ob stabilium alienationem iuxta tex. notab. in l. cura §. inopes, & in l. rescripto in princip. ff. de muner. & honor. Cum praeterea Laicis stabilia possidentibus collecta, & alia munera personalia tam ordinaria, quam extraordinaria imponi possint, quae tamen Clerici praetendunt non posse imponi bonis à se possessis Barto. in l. 1. C. de mulier. & in quo loco, in l. rescripto §. fin. de muner. & honor. Curt. iun. conf. 6. Paul. de Cast. in l. 1. C. sine censu; vel reliqu. Alexan. conf. 101. colum. 3. volum. 1. Dec. consil. 355. colum. 2. Boer. decif. 260. num. 11. Calder. d. conf. 7. de constit. per tex. in c. 1. de immunit. Eccles. in 6. & in Auth. item nulla communitas C. de Episcop. & Cler. ita ut facta per subditos alienatione stabilium vires Reip. & Imperij non parum debilitari, ac paulatim labefactari contingat arg. tex. in l. 3. §. praeses ff. de muner. & honor. ibi, ne his oppressis, simul eorum vires, & viribus Respublica destituantur, quasi verò, debilitatis viribus subditorum, consequens etiam sit, ut vires Reipublicae pariter debilitentur, quas tamen conseruari integras, & intactas respicit publicum, & commune bonum, nempe conser-

*conseruationem Imperij, cuius oportet Principem valde sollicitum esse, argum. tex. inc. 1. §. donare, aut pro anima iudicare, qualiter olim feudum alienari poterat & de prohibita alienatione feudi per Lothari. c. 1. in fi. principij ibi, per quod Imperij minuatur utilitas. Confert quod tradit Oldrad. conf. 94. concludens Reges posse quidem facere donationes, dummodo per eas Regia Maiestas, & dignitas non ledatur. & simile est, quod scriptum reliquerunt Specul. in tit. de instrument. edit. in §. nunc autem in fine, & Bal. ibid. in addit. ad eum in verbo, quod si Rex, nempe, quod, si per donationem Regis factam Ecclesie grauitur Imperium, vel Regnum ledatur, successor potest illam reuocare; quem refert, & sequitur Rol. à Val. consil. 2. num. 97. lib. 1. Intereſt enim non modo Principis vires Imperij non minui, sed conseruari intactas, & illibatas, verum etiam pertinet hoc ad publicam securitatem omnium subditorum, cum, si vires Imperij sibi constent, facile Princeps eiusdem Imperij fines tueri possit, bonaque, & vitas subditorum ab incursionibus, & rapinis hostium intacta conseruare, eosdem procularcendo, & opprimendo; quod certè redundare potest in communem utilitatem, atque securitatem etiam personarum Ecclesiasticarum, & bonorum eorundem intra Territorium Principis existentium; ut certè non possit dici aliquid intentatum contra Ecclesiasticam libertatem per huiusmodi prouisiones, quæ finem propositum habent conseruationem Imperij, cum per eas magis foueatur Ecclesiastica libertas parta tam personis quàm bonis Ecclesiasticis tanto maiore securitate, quanto magis vires Imperij sibi constant. Qua ratione considerata, Bal. in c. licet extra de iudic. post Signorol. de Homod. concludit statuta prohibentia alienationem stabilium in personas Ecclesiasticas esse iuridica, & non improbanda, nec censenda contra libertatem Ecclesiasticam, quasi vero condita pro securitate  
publici*

publici Territorij, & publicarum functionū, & ad eum finem, ne diminuantur Reipub. vires, sentiens eas non parum debilitari posse ex frequenti alienatione stabiliū in personas Ecclesiasticas, subductis bonis Laicorum à publicis functionibus, & ab oneribus extraordinarijs, quæ personis pro rebus imponuntur; Clerici tamen prætendant imponi non posse bonis à se possessis; subditis, quibus imperari possit ad egestatem redactis, ita ut interdum etiam foro cedere post dissipatum patrimonium, aliasque sedes querere cogantur, dum se vident ab alijs Cuiuslibet neglectos, atque despectos haberi, quamvis sint honestissimo loco nati.

Itaque cum commune, & publicum bonum priuatorum commodis sit præferendum, maiorque ratio illius habenda, quod magis commune sit; sequitur prouisiones prædictas Serenissimi Principis iustissimas censeri debere, quæ magis commune, & magis subline bonum pro fine propositum habent, nempe bonum regimen status ipsius, conseruationem temporalis iurisdictionis pro incolumitate Imperij, quod à solo Omnipotenti Deo, & à nullo mortalium agnoscunt, & subditorum omnium felicitatem. Cum quo bono, si conferatur illud, quod Ecclesiastica persone prætendere possunt, ex eo quod non restringatur Laicis alienatio stabiliū in eorum personas, vix est, ut rationem boni habere videatur, & quia maiori bono a quo animo cedere debent, quod etiam ad Clericorum commodum, & fauorem cedere possit, magna illis quoque parva securitate, ex eo quod vires Imperij integrè sibi consint, non debilitata; non diminuta.

Ita ut per has prouisiones Princeps Serenissimus nihil, nè minimum quidem attigerit de bonis personarum Ecclesiasticarum, frenum tantum iniecerit bonis Laicorum eius Imperio subiectorum, neque id absolutè, sed bonis tantum stabilibus, limitata paulisper potestate subditorum circa horum alienationem

nem ex causa maioris boni, adhibito præterea temperamento, ut alienatio nihilominus in personas Ecclesiasticas fieri possit accedente Principis consensu, & auctoritate, ita ut alienandi facultas non penitus interdicta fuerit, sed indulta sub certa forma intelligatur, quod ipsum tanto magis equas reddit provisiones prædictas, ut considerat Signorol. de Homod. conf. 21. num. 15. ad hoc plura adducens, & non est dubitandum, quin Serenissima Respub. quæ hanc facultatem non semel indulsit post ultimam ab eâ latam legem de anno 1605. non etiam in posterum eandem sit facile concessura, quæ singularis ipsius est benignitas in omnes, quoties & Christiana pietas, & opportunitas ipsa temporum, & personarum id visâ fuerit postulare.

Octauo, non omitto similia statuta alibi quoque vigere, ut in Regno Galliarum tradit Guliel. de Benedict. in cap. Raynuttius in verbo, & uxorem nomine Adelasiam nume. 44. & in statu Mediolani, de quo extat præclarum responsum Signorol. de Homod. conf. 21. qui etiam attestatur id observari in pluribus partibus Lombardie, immo fere per totam Lombardiam; creditur autem Doctori insigni asserenti extare consuetudinem in aliquo loco, ut per Dec. conf. 559. num. 6. post Bart. in l. de quibus, ff. de legib. ut certè non videatur uni Principi Venetiarum religiosissimo præ ceteris denegandum, tanquam illicitum, & contra libertatem Ecclesiasticam attentatum, quod pluribus alijs in locis, tanquam licitum admittitur, ut potè ordinatum ad finem maioris boni, & ad publicam utilitatem. Andr. Gail. lib. 2. practicarum observationum observat. 32. attestans de diuersis Germaniæ partibus Bald. consil. 174. lib. 5. loquens de Ducatu Saxonia lege lata per Carolum Magnum, quibus & alij plures addi possent, quos ego silentio prætermitto, contentus unica attestatione Ludouici Molinæ Theologi grauisissimi insigni præceteris & zelo religionis, &  
soli-

*soliditate doctrinae, Is enim in prima parte Tract. de iust. & iur. disput. 140. vers. quia de iure huius Lusitaniae Regni, attestatur lege prouisum esse in eo Regno, ut neque Ecclesiae, neque Monasteria emere possint bona aliqua immobilia absque licentia Regis: Subdunt, quod, si vel donatione, vel successione aliqua illis adueniunt, tenentur illa alienare intra diem, & annum, nisi obtineant facultatem à Rege, ut illa sibi retineant. Id autem in dicto Regno, & ordinarie in alijs sancitum esse, ne paulatim plus iusto accrescant Ecclesijs tum immobilia bona, tum redditus Ecclesiarum, & Monasteriorum in detrimentum Laicorum; praesertim, cum pleraque Monasteria iure hereditario quotidie loco suorum religiosorum succedant in bonis defunctorum.*

*Libuit mihi singula verba huius Auctoris apponere, ut intelligi possit legem hanc Lusitaniae Regni, si conferatur cum lege Serenissimi Principis Venetiarum longè rigorosiorē esse, cum & iussio cogens ad alienandum bona stabilia, quae ad Ecclesias, & Monasteria peruenerint donatione, aut ad illa iure successione ab intestato fuerint deuoluta, in ipsas Ecclesias, & Monasteria dirigatur, ita ut ipsismet Ecclesijs incumbat necessitas alienandi, & à se ablegandi stabilia etiam iure successione ab intestato acquisita, unius tantum anni, uniusq; dici interposita mora. Lex autem Veneta verba dirigit in Laicos, prohibendo, ne bona stabilia in personas Ecclesiasticas transferre possint multiplici moderatione adhibita, nempe ut hoc facere possint de licentia Principis, iusto pretio personis Ecclesiasticis persoluto, ac denique lapsò biennio, ut certè, quod licuit Regi statuere in uniuerso Lusitaniae Regno, id etiam licere debuerit Serenissimo Principi Reipub. Venetae in omni loco eius ditioni supposito, maiore praesertim abhibito temperamento. Sed ego non tanti facio huius viri attestatio-*  
*nem,*



nem, quantirationem, qua legem hanc siue latam in Regno Lusitanie, siue in alijs partibus tanquam aequissimam commendat: ne scilicet paulatim ex hac immoderata alienatione stabilium in personas Ecclesiasticas, & Monasteria, plus iusto accrescant Ecclesiis, & Monasterijs tum bona stabilia, tum redditus Ecclesiarum in Laicorum detrimentum, ita ut Clerici plus a quo abundant, Laici verò vilescant in sordibus paupertatis.

Quòd si etiam auctoritatibus sit pugnandum, non desunt, qui stent pro validitate statuti predicti, & intrepidè tueantur, nihil per huiusmodi statutum factum contra Ecclesiasticam libertatem Iacob. Butrig. in l. assiduis C. qui potior. in pign. hab. & in Authen. Cassa, C. de Sacrosan. Eccles. Signorol. de Homod. post longam, & accuratam disputationem Bal. in d. c. Clerici de iudic. in l. cunctos populos C. de Summa Trinit. & fide Cathol. in cons. 11. inter Consilia Anchar. Ad quod etiam proximè videtur accedere Calder. d. cons. 7. de const. & ut alios prætermittam las. in d. §. Diui, qui quidem in secunda lectione num. 113. ad fin. numeri, attestatur hanc opinionem veriore esse in puncto iuris, cum nitatur solidis fundamentis, qui etiam in prima lectione sub num. 81. ad tex. in c. fina. de immun. Eccles. in 6. in quo potissimum ius fieri videtur in fauorem Ecclesie, respondet tex. illum loqui in casu, quo statutum prohibet quamcunque bonorum venditionem, & omnino commercium inter Laicos, & Ecclesiam, secus esse quando prohibet Laicis solum venditionem stabilium, eorumque translationem in Ecclesiam. Addo Opizonem in d. §. Diui num. 105. Alberic. in 2. parte statut. quæst. 2. num. 33. Tota vis est in tollendis his, quæ in contrarium afferebantur.

Ad primum igitur obiectum, supposito, quòd verè fieri dicatur contra libertatem Ecclesiasticam, si auferatur Ecclesie, quod ei concessum est priuilegijs Imperatorum, aut quod ei com-

petit iure communi, respondetur nihil tamen per huiusmodi  
 prouisiones contra libertatem Ecclesiasticam attentatum, quod  
 infringat priuilegia per Imperatores eis concessa, aut quæ com-  
 petunt ei de iure communi; Nam, quod attinet ad priuilegia de  
 quibus in d. l. prima in l. illud, & in l. ut inter diuinum C. de  
 Sacrosan. Eccles. apparet clara responsio: lex enim proxima, quæ  
 fuit Constantini Magni C. de Sacrosan. Eccles. nihil concessit in  
 priuilegium Ecclesijs, cum statuit posse unumquemque, quod  
 voluerit ipsis liberè relinquere, id autem facile colligitur ex ra-  
 tione, quam subiicit, dicens nihil esse, quod magis hominibus de-  
 beat, quam, ut supremæ voluntatis libera sit dispositio, &  
 ita innuat hoc non in priuilegium fuisse concessum Ecclesiæ, cum  
 cuiusque, etiam priuato, dummodo capaci, possit quis testamen-  
 to relinquere, illud solum præstitit Constantinus, remouit enim  
 obstaculum, quod ante erat impedimento, ne quid Collegio Chri-  
 stianorum valide relinqui posset, cum collegijs illicitis nihil re-  
 linqui posset; Collegium autem Christianorum ante fidem Chri-  
 sti susceptam reputabant Imperatores sectam quandam super-  
 stitiosam hominum, ut animaduertit Bald. in d. l. 1. num. 13.  
 Per legem autem illud validitatem tribuit Iustinianus dona-  
 tioni collata in Ecclesiam, & etiamsi insinuatione careat: nam,  
 quod attinet ad donationem, quæ per Laicos fit Ecclesijs, nihil  
 ea lege tribuitur in priuilegium, cum ante illam quoque legem  
 posset quilibet arbitrio suo donare Ecclesijs, prout etiam cuiuslibet  
 priuato, solum priuilegium in eo consistit, ut donatio valeat,  
 quamuis insinuatione carens; contra quod priuilegium nihil per  
 huiusmodi prouisiones dicitur attentatum, cum ne verbum  
 quidem vllum in eis de insinuatione prædicta. Similiter di-  
 cendum de priuilegio l. ut inter diuinum, nempe, quod ex aliena-  
 tione facta in Ecclesiam, dominium absque traditione transfera-  
 tur; nam & hic duo consideranda sunt, causa propter quam  
 transit

transit dominium, nempe venditionis, donationis, legati, & hoc modo considerando nihil dicitur in priuilegium concessum Ecclesiis, quod etiam cuiuslibet non competeret; alterum vero est, quod dominium absque traditione transferatur, & hoc vere dicitur concessum Ecclesiis in priuilegium, quam dominij translationem hoc modo priuilegiatam prouisiones predictæ non impediunt. Quò vero ad ea, quæ competunt iure communi, nempe possidere ex testamento, acquirere ex donatione, & venditione, respondetur in genere loquendo, si quid horum auferatur Ecclesiæ, laedi quidem Ecclesiasticam libertatem, sed in super etiam aliud requiri, ut hoc mala intentione fiat, nempe animo præiudicandi Ecclesiis, secus, si sub ratione communis, & publici boni pro conseruandis iuribus Imperij, quòd etiam in utilitatem Clericorum redundare potest, & pro sælicitate subditorum, quos locupletes conseruari & ipsorum, & Reipub. plurimum interest.

Secundo respondetur non absolute prohiberi subditis alienationem in Ecclesias, sed cum triplici modificatione, primo quoad stabilia tantum, secundo ut non ultra biennium Ecclesia retinere possit, tertio, ut eadem etiam perpetuo possit retinere, accedente Principis licentia, ita ut Ecclesia capere possit ex cuiuslibet alienatione, testamento, venditione, aut alia quacunque causa seruatis conditionibus predictis, ita ut ultra biennium capere non possit lege resistente, nisi id indulgeat Principis benignitas, refuso præterea pretio, & iusta æstimatione bonorum stabilium, ita ut paruacensenda sit iactura, quam facerent persona Ecclesiastica, ex eo quod potestas Laicis fuerit limitata, maximum vero lucrum, quod faciat Respub. si bona stabilia inter Laicos conseruentur ad finem publici, & communis boni; Nam, quoties prohibitio alienationis, & disponendi super proprijs bonis non est perpetua, simplex, & absoluta, sed limitata,

qualificata, & sub certa forma, tanto magis iusta redditur, eius rigore temperato, ut per Signorol. d. consf. 21. num. 25. per plura iura, quæ ad propositum adducit. Tercio responderi potest posse præiudicari Ecclesiis respectu bonorum quærendorum ex causa communis, & publici boni, ut latius in sexto fundamento deductum fuit.

Secundum obiectum non obstat, nam tex. in d. c. Ecclesia Sanctæ Mariæ, & quod ibi notant scribentes, procedit, quoniam ibi Laici volebant statuere de rebus iam acquisitis Ecclesiæ prohibendo ipsarum alienationem, quod, etsi fauorabile sit Ecclesiis, non tamen validum est, quoniam bona Ecclesiarum ab eorum iurisdictione penitus sunt exempta, & ita statutum ibi, quamuis Ecclesiæ fauorabile reprobatur, tanquam mittens salcem in messem alienam, prout respondet Signorol. d. consil. 21. sub num. 26. vers. his præmissis, ultra quod etiam statuta Laicorum honesta, & rationabilia etiam quoad Clericos valent pluribus casibus, quorum quinque enumerat Felin. d. c. Ecclesia Sanctæ Mariæ sub nume. 81. vers. primus casus usque ad num. 85. Respondetur secundo in casu proposito non posse dici nullas huiusmodi prouisiones ex defectu potestatis Laicorum in Clericos, & eorum bona; cum dispositiones ipsæ dirigantur ad Laicos Principi temporali subiectos, & fiant super bonis mere Laicalibus, & quamuis per indirectum aliquod inde præiudicium Clericis generetur, tamen non videtur habendum in consideratione, ut antea dixi, cum non veniat ex prima intentione statuentium, quæ non alia fuit, quàm publica, & communi utilitati consulere, non autem Ecclesiam in aliquo ledere: nec inde argui potest defectus potentia in statuentibus, quidquid secundum aliquos argueretur, si quid directe in personas Ecclesiasticas, aut super eorum bonis statueretur, quod tamen perpetuum non esset, nec indistinctum, aut absolute procederet.

Ad ultimum respondetur, quod, et si mendio personarum Ecclesiasticarum expresse facta fuerit, in quas Laici bona stabilia alienare prohibeantur, non ideo tamen minus prouisiones predictae valida censeri debent, quasi facta in odium Clericorum, & similium personarum, atque ita nocendi animo, quia sicut per statuta particularia singularum Ciuitatum huius Serenissimi Dominij, & aliorum multorum locorum prouisum est, ne bona stabilia in non subditos quouis titulo transferri possint intuitu maioris boni, & pro conseruandis cuiusque Reipub. viribus, quidquid dici possit, vtrum huiusmodi statutis persona Ecclesiastica comprehendantur, prout comprehendi visum fuit & Crotto, & Ferdinando Loazes in d. J. Diui, & Feder. de Senis & Card. Zabar. & Barbatia, & Signorol. ante per me citatis; Ita ob eandem rationem communis, & publici boni, multo magis licuit Serenissimo Principi prohibere, ne stabilia à Laicis in personas Ecclesiasticas transferantur, cum ex frequenti translatione stabilium in Ecclesias non minus eneruentur Imperij vires, quam minuantur cuiusque Reipub. vires, si bona stabilia in extraneos, & forenses transferantur. Et, sicut lex prohibens stabilium alienationem in certum genus hominum, veluti in Iudices, officiales, & similes, iustissima iudicatur ob maius periculum, quod subditis imminere potest, ne bonis suis spolientur, & ad paupertatem redigantur, si in hos etiam, in quibus maior est auctoritas, & pecuniarum copia, alienatio permittatur, l. principal. ff. si cert. petat. l. non licet, l. officij, ff. de contrahen. empt. l. unica, C. de contrac. Jud. ita in proposito dici posse videtur, quod, cum & Monasteria opulentissima reperiuntur, quibus, ut est maxima diuitiarum copia, ita possessionis eorum vix ullus est finis (licet enim mihi uti verbis Baruch Prophetæ suæ prophetia cap. 3. Ieo facilius sequi potest, nisi opportunè prouideatur, ut Laici bonis stabilibus

*bilibus exuiscerentur cum graui ipsorum iactura, & in diminutionem non paruam virium Reipub. quemadmodum considerat Signorol. de Homod. d. conf. 21. num. 23.*

*Denique dico non esse praesumendum in tam religioso Principe malum animi affectum erga personas Ecclesiasticas, argu. l. merito, ff. pro socio, vt in casu non absimili in hac ipsa materia tradit Calder. d. conf. 7. de const. tum etiam multo magis, quia clarè constat, quia intentione motus fuerit Princeps ad has prouisiones faciendas, nempe ad finem publici, & communis boni pro conseruandis viribus Imperij, & euitando damno, quod ex frequenti stabiliu in personas Ecclesiasticas alienatione incurrere potest, vt clarè demonstrat prouisio facta de anno 1258. ponderando illa verba, nisi salua ratione communis, & altera de anno 1536. ex prohemio elicit, quatenus ibi dicitur, & essendo da proueder si, come richiede vna cosi importante materia per l'interesse publico: ex prohemio enim elicitur causa finalis dispositionis, Bart. in l. 1. in principio, ff. ad Maced. Bal. in l. vt liberos, C. de collat. & finalis intentio est, quæ regit omnes dispositiones, vt per Bal. in l. generaliter in secunda opp. C. in sit. & substit. Cum ergo clare constet de intentione Serenissimi Principis ad eum finem ordinata, vt per has prouisiones consuleret publicæ vtilitati, & ad euitandum damnum, quod facile incurrere posset ob frequentem stabiliu in personas Ecclesiasticas translationem, cessat omnis maleuolentiam suspicio. Cumque vltima prouisio de anno 1605. per quam prouisiones antea factæ extenduntur ad omnia loca Dominio Serenissimi Principis subiecta, atque ad illas expressam habeat relationem; sequitur, rationes in illis expressas, in ea quoque pro repetitis habendas esse ex vulgata regula, quod relatatum sit in referente cum omnibus qualitatibus suis Auth. si quis in aliquo, C. de edend. cum vulgaribus. Non omitto etiam*



etiam notabilem distinctionem, quam in hac materia tradidit Signorol. d. conf. 21. num. 25. Aut enim constat de malo animo statuentium in condendis huiusmodi statutis, ut obsequia Ecclesiae denegentur, quo casu statuta sunt iniqua censenda, & contra libertatem Ecclesiasticam, aut constat de intentione eorum, qui has provisiones fecerunt, ut sibi ipsis propria Territoria conferrentur, & no vires Repub. labefactentur, & cessat omnino scrupulus maluoli animi: Aut verò dubitatur, qua intentione moti fuerint ad ita statuendum, quo casu non sufficit expressam factam fuisse mentionem personarum Ecclesiasticarum ad hoc, ut malo animo statuuisse intelligantur, nisi & alterum concurrat, nempe quòd eis omnia commercia cum Laicis voluerit prohibere, & necessaria humano victui subducere, prohibendo generaliter, ne quis ab eis quidquam emat, ne quis aliquid eis vendat, ne panem coquat, ne granum molat; in quem sensum intelligendum esse text. in d. cap. fin. de immun. Eccles. in 6. testatur Iason dicto §. Diui, numero 81. in prima lectura, Dec. in d. cap. Ecclesia Sanctae Mariae ferè ad finem.

Itaque sublatis omnibus, quae in oppositum afferebantur, existimo ego provisiones praedictas tanquam rationabiles, & minime laedentes Ecclesiasticam libertatem optimo iure subsistere, cum non attingant vllò pacto bona Ecclesiarum, Laicis tantum subditis frenum imponant, seu verius limitent potestatem ipsorum circa alienationem stabilium ex causa publici, & communis boni, neque id absolute, sed magno adhibito temperamento, ut non ultra biennium, nec sine licentia Principis alienare possint, quòd eo magis dicendum est, cum provisio facta de anno 1605. per quam extenduntur provisiones antiquae ad omnia loca subiecta Serenissimo Dominio verè sequela sint praecedentium antiquarum provisionum, quae lon-

gissimo

gissimo tempore observata fuerunt nemine unquam contradicente; & ratio est manifesta, quia statutum in capite, in membris quoque virtualiter intelligitur esse statutum, cum non deceat membra à capite dissidere, aut alio iure censeri.

Transco ad secundum proposita consultationis caput; Utrum valida sit provisio facta de anno 1537. 21. Martij. postea verò renouata de anno 1561. 27. Octobris, qua cautum est, ne quis audeat Ecclesias ullas fundare, aut edificare Ecclesiastica Monasteria, Hospitalia, & religiosas domos extruere, aut alia loca, in quibus persona aliqua, cuiuscunque generis existant, convenire possint; Et si quid horum extructum fuerit, inconsulto Serenissimo Principe, & absque licentia maioris Consilij, graves pœna imponuntur, tum demolitionis & discedorum, tum banni perpetui illius, qui aliquid huiusmodi præsumpserit, & ut Laicus in Decretis, seu provisionibus prædictis.

Videretur enim prima facie dicendum per has provisiones violatam esse auctoritatem Apostolicæ Sedis, eiusque iurisdictionem contemptam, & factum contra Ecclesiasticam libertatem, cum neque Ecclesia, neque Ecclesiastica Monasteria subiacent temporali iurisdictioni Iudicis Laici, & iniquum videtur eos pœna mulctatos esse, qui magis debuissent præmijs allici, & inuitari ad hac opera pietatis; cum Princeps Secularis nihil de rebus, vel negocijs Ecclesiasticis statuere possit d. c. bene quidem 96. distinct. c. ult. de reb. eccles. non alienan. Hospitalia verò, Ecclesia, Monasteria res Ecclesiastica dicantur Card. Zab. in c. quia contingit de relig. domib. curaque Ecclesiarum Episcopis incumbat c. quicumque 16. q. 1.

Ab hoc dubio me breuibus explico, nec enim res ista altiore requirit indaginem. Itaque, respondendo, dico longè aliam fuisse mentem, & finem propositum Serenissimo Principi, & toti

Reipu-

Reipublica; nec enim id sibi tribuit, ut prætendat Ecclesias, & Ecclesiastica Monasteria, loca vè religiosa ad suam iurisdictionem pertinere, etiam postquam Ecclesia, & cætera loca Ecclesiastica, de ipsius licentia fuerint iam constructa, nisi, ubi boni publici necessitas id requirat. Verùm illud optimo iure tuetur, atque defendit, antequam huiusmodi ædificia extruantur, ratione locorum, in quibus extruenda sunt, id verò ad eius iurisdictionem pertinere; Cum negari non possit, quin Princeps respectu Territoriij sui, & locorum eius Dominio subiectorum, habeat iurisdictionem temporalem, & ideo iure posse ad finem evitandi scandala, & damna, quæ sibi ex huiusmodi ædificiorum constructione imminere possent, legem condere, obligando subditos, ne quid horum extruere audeant, vel præsumant, cum adhuc loca, in quibus Ecclesiæ, vel Monasteria essent ædificanda, profana sunt, & in communi hominum commercio posita, à quo postea eximuntur, cum iam Sacra, aut Religiosa fuerint effecta iuxta tex. in l. inter stipulantem §. sacram, ff. de verb. oblig. Est enim Princeps Dominus Territoriij, & in eo iurisdictionem habet arg. l. extra Territorium ff. de iurisdic. omn. iudic. & eam exercendo nihil, quod ad personas Ecclesiasticas spectat; dicitur attentare; qua quidem iurisdictione temporali carent Episcopi, cum etiam careant Territorio, ut antea dictum fuit ex Oldrado: Vnde etiam frequentissime contingit, ut Diæcesis ad Episcopum pertineat, cum Territorium alterius Principis iurisdictioni subiiciatur, quemadmodum animadvertit Alciat. in l. pupillus, ff. de verborum signific. Territorio inde denominato, quod Princeps, siue, qui ex eius auctoritate iuridicando præest, ius terrendi, seu submouendi habeat.

Et sanè, si decet unumquemq; patremfamil. sollicitum esse, ne quis noui aliquid in eius domo moliat, quod damnum aliquod, & incommodum aut ipsi patrifamil. aut inhabitantibus

afferre possit; sic ad officium prouidi Principis spectat inuigilare, quibus in locis extruantur Ecclesie, aut quae Monasteria in Ciuitatem inducatur: Sunt enim Ciuitates, instar magna cuiusdam domus, cuius paterfamilias est supremus Princeps, cuiusque prudentiae incumbit explorare loca magis opportuna, in quibus aedificentur Ecclesie in Oppidis praesertim, Ciuitatibusque munitis non propinque manibus, non Arcibus, aut fortalitijs, ita ut eas tempore belli demoliri non sit necessarium pro maiori oppidorum, & Ciuitatum securitate, in quas Ecclesias hostes clam, & dolis malis introducti, perniciem Ciuitatibus afferant; nec enim nouum est Conuenticula illicita etiam intra Ecclesias haberi posse, ut supponit Imper. in l. Conuenticula illicita C. de Sacrosanct. Eccles.

Secundo, Respondeo eam prouisionem, qua Serenissimus Princeps prohibuit extruccionem Monasteriorum, Hospitalium, similiumque locorum, non habere pro fine simplicem illam molem, quae surgit ex eorum aedificio iam constructo, sed alium finem spectare, nempe personas eorum, qui in dictis aedificijs collecti, in unum vitam ducturi essent, ita ut Princeps debeat pro munere officij sui, & proprij status conseruatione, & maiore tranquillitate subditorum inuigilare, ne quae nouae Sodalitates, aut religionum sectae inducantur in Ciuitates, quae mores ipsarum corrumpere, & seditiones inter ciues excitare possent, aut aliquid contra Imperium Principum moliri, prout plerisque Ciuitatibus euenisse docuit experientia, quae dicitur magistrarum c. occupantes c. quoniam sit de elect. in sexto, & hinc sit etiam, ut omnia Collegia regulariter illicita censeantur, nisi expresse permissa probentur l. 1. in princip. ff. de Colleg. illicit. habuerunt enim antiqui Legislatores Collegia semper suspecta, quod etiam tradit Alciat. in l. Neratius ff. de verborum signifi. subdens plerumque contingere posse, ut sub praetextu Sacri Conuentus

uentus improbi homines, simulata sanctitate, multa moliantur aduersus leges, pudicitiam mulierum, bonaq; Ciuitatum instituta, prout Titus Liuius lib. 38. eleganter, & late prosequitur Romæ contigisse: Ideoque non est culpandus Senatus Venetus, si supradicta lege prospexit, ne cui liceret extruere loca siue ea Collegia, siue Sodalitia, siue societates, siue Monasteria appellare Velimus, in quibus huiusmodi conuentus hominum haberentur, non explorata prius diligenter eorum qualitate, ne si contingeret malos in Ciuitate introduci, necesse foret postea eos indo eijcere, ne bonos, ac simplices secum perderent; ita ut satius existimarit eos ab initio non admittere, quàm admissos postea expellere; nam, ut inquit Summus Pontifex in c. quemadmodum circa medium de iureiur. turpius eijcitur, quàm non admittitur hospes. Cum etiam sæpe euenire soleat, ut huiusmodi Sodalitia sub prætextu religionis, & pietatis, alia tamen tractent, quæ pertineant ad publicam administrationem, & ad regimen Ciuitatis, ut animaduertit Bart. in d. l. i. sed religionis ff. de colleg. illicitis, ut propterea etiam magnâ animaduersione sit habenda, cum eriguntur loca pro Monasterijs, & Sodalitijs quod genus hominum deligatur.

Sed nec omitto, quòd cum ex multiplicatione Monasteriorum facile contingere possit, ut nouis Monasterijs, aut Sodalitijs inductis in Ciuitatem, alijs Monasterijs, quæ iam sanctitate vita, & exemplari integritate Ciuitatibus sunt probata; alimenta necessaria subtrahantur, aut ita diminuuntur, ut neque nouis, neq; veteribus sustentandis sufficere possint fidelium largitiones. Qua in re Principem quoque oculatum, ac valde prouidum esse oportet.

Denique dico, non esse simpliciter prohibitam extruentionem Monasteriorum, & similium locorum, sed eam, quæ fieret sine licentia Principis, ut certe impetrata licentia omnis pœna indi-

Et in eos, qui aliter aedificare præsumerent, sublata penitus intelligatur: nec enim verendum est, quin Princeps religiosissimus facilem, & indulgentem se præbiturus sit, postulata licentia aedificandi, & noua Monasteria construendi, si id tranquillo statui Reipub. viderit expedire pro diuersitate temporum, & personarum. Prout apertissimè tot Monasteria, & Ecclesiæ, tot Hospitalia, tot religiosæ domus, quæ non modò in Ciuitate Venetiarum: sed etiam in vniuerso Dominio testantur mira arte extructa, splendidissima summoque ornatu insignia, cum quibus vix ulla in vniuerso orbe sint conferenda, quæ sane res maximam Principis pietatem, & in diuinum cultum obseruantiam apertissimè demonstrat. Præterea, cum pertineat etiam ad curam p̃ij, & religiosi Principis Sæcularis Ecclesias fortasse vetustate labentes, aut alia de causa contritas, atque rescissas restaurare, necnon & nouas aedificare: qua in re Principis pietas per Sacros Canones plurimum commendatur c. vlt. 96. distinct. cap. administratores 23. q. 5. Fuit etiam rationi, & officio Principis consentaneum providere, ne Ecclesiæ absque ipsius licentia extruerentur. Denique & illud addo, quòd, si quilibet priuatus potest pro ratione domini particularis prohibere, ne prædium aliquod ipsius religiosum, aut Sacrum absque eius licentia efficiatur l. 2. §. 1. & §. si ususuctum ff. de relig. & sumpt. fun. l. Sacra §. 1. ff. de rerum diuis. multo maiore ratione Principi prospicere licet, ne ipso inconsulto in loco aliquo eius ditioni subiecto extruantur Ecclesiæ, cum negari non possit, quin ipse Princeps sit dominus Territorij, & bonorum intra Territorium existentium argum. d. l. de precatio ff. ad l. Rhod. de iactu. & in c. quo iure distinct. 8. taleque dominium retinet etiam iam constructis Ecclesiis, in tantum, ut etiam homicidium intra Ecclesiam commissum à Principe Sæculari puniri possit, tanquam à Domino loci in quo extat



extat Ecclesia ad trad. per Bal. in l. si quis in hoc genus num. 2.  
 & ibid. Castr. num. 3. C. de Episcop. & Cler. Abb. in c. cum sit  
 generale num. 23. de for. compet. Clar. in sua Praxi. Criminali  
 q. 38. vers. videt etiam.

Supereſt tertium, & ultimum conſultationis caput abſol-  
 uendum, circa duos Clericos adhuc in carcere detentos, in quos  
 Sereniſſimus Princeps prætendit ſibi ius eſſe animaduertendi  
 ob varia, & enormia delicta per eos commiſſa; Nam contra-  
 rium videretur dicendum, ſtante conſuſione communiter re-  
 cepta, quòd Iudex Secularis nullo modo poteſt prætectu alicuius  
 delicti procedere contra Clericum, aut Religioſum iuxta tex. in  
 c. cum non ab homine extra de Iudic. quòd ſane videtur eis con-  
 ceſſum in priuilegium iure diuino, vt explicant Dominic. Sot.  
 de iuſt. & iur. in 4. ſentent. diſtinct. 25. quaſt. 2. artic. 2. (Car-  
 dinal. Belarmin. de exemptione Clericorum c. 3. ita vt hoc pri-  
 uilegium, quòd Clerici exempti ſint à poteſtate Iudicis Laici;  
 vt ab eo iudicari non poſſint, maxime vero in criminalibus, vi-  
 deatur eis iure diuino, nedum humano conceſſum, vt de commu-  
 ni teſtatur Alciat. in d. c. cum non ab homine nu. 2. Didac. præct.  
 q. c. 31. Clar. in ſua praxi Criminali q. 36. in principio.

Qua conſuſione ſtante, inferri poſſe videtur, non valere con-  
 ſuetudinem, quòd in cauſis criminalibus Clerici conueniantur  
 coram Iudice Laico, prout de communi pariter teſtatur Didac.  
 quaſt. 31. num. 5.

Hoc tamen non obſtante, & ſuppoſito, quòd delicta, pro qui-  
 bus dicti Clerici carceri mancipati detinentur, grauia ſint, &  
 enormia (nec enim delictorum qualitas mihi expoſita fuit) in  
 eam ſententiam alacri animo deſcendo, quòd Sereniſſimus Prin-  
 cept de his ſupplicium ſumere, & in eos animaduertere poſſit  
 pro modo culpæ commiſſæ, & hoc virtute priuilegiorum à Sede  
 Apoſtolica ſæpius indultorum.

Antea

Antea quidem ex privilegio Sixti IIII. licebat Principi vindictam sumere, & vlciscicrimina lesa Maiestatis, mone-  
taque adulterata, quod etiam circumscripto quolibet privilegio  
videtur vsu receptum, ut testatur Clar. d. q. 36. vers. quæro,  
numquid Clericus committens crimen lesa Maiestatis, qui  
etiam extendit id ad Clericum imputatum de crimine assassinij  
vers. Item quæro, utrum Clericus imputatus de assassinio; nec-  
non ad Clericum, quem verè constat incorrigibilem esse. vers.  
successive quæro, ubi de communi testatur post Didac. practica-  
rum quest. 33. num. 7.

Verum, quia non credo ego prædictos Clericos pro aliquo di-  
etorum trium criminum detineri, quo casu res expeditissima  
esset, & omni prorsus difficultate careret, stante indulto Apo-  
stolico Sixti IIII. cuius mentionem facit etiam Innocen-  
tius VIII. Idcirco dico adhuc ius esse Serenissimo Principi pu-  
nire eos, quamvis pro alio delicto, quod non sit ex genere dicto-  
rum, detineantur; dummodo delicta, pro quibus detinentur  
gravia sint, stante privilegio eiusdem Innocentij, quo privile-  
gium concessum occasione illorum duorum criminum extendit  
ad alia quoque gravia delicta, adiecta insuper ratione, quæ mo-  
nit eum, nempe ut iustitia locum habeat, & se quisque intra  
honestatis fines, & terminos contineat, quasi significare velit  
se pro gravibus delictis illa habere, per quæ honestatis ratio vio-  
letur, & alicuius existimatio, & honor graviter offendatur;  
nam, qui circa honorem periclitatur, dicitur de vita periclitari  
l. iusta. iuncta glos. ff. de manumiss. glos. in §. suspectus in verbo  
ob culpam institut. de suspect. tut. Vnde, si quis forte dictorum  
carceratorum atrocem iniuriam pudica mulieri, & honesto loco  
nata intulisset, eiusque pudicitiam petulanter attentasset, com-  
prehensus dici posset hoc Innocentij VIII. indulto, ut in eum  
per Iudicem Seculare animaduerti possit.

Præterea considero verba, quibus præstetur se velle extendere privilegia Pontificum præcessorum, qui ea ad duo tantum delicta restrinxerunt, ad alia quoque gravia delicta, neque hoc contentus subiecit, ut præsens esse possit in casibus furti, & latrocinij, subdens & in alijs gravibus, & atrocibus facinoribus, usus geminatione illorum verborum, & in alijs gravibus delictis, quæ geminatio magis enixam voluntatem ostendit vulgata l. Balista ff. ad Trebell. Bart. in l. scimus C. de agric. & censit lib. 10. plurimumque operatur, præsertim in rescriptis, ut tradit Felin. in c. si quando num. 31. de rescript. quasi aperte significare visus sit se eius omnino intentionis esse, ut quæcunque delicta Clericis obijciuntur, dummodo gravia dici possint, ea per Iudicem Laicum cognosci, & pæna debita puniri possint, ita ut talia verba geminata, media excipiant illa, quæ exempli gratia dicta fuerunt in casibus furti, & latrocinij, ex quo inferri potest, quod, si crimina his Clericis obiecta non minora sint crimine furti, illa quoque indulto comprehensa intelligantur, cum exempla non restringant regulam, sed declarent l. 1. §. labeo, ff. de aqua quotid. & æstiv. l. damni infecti in prin. ff. de damn. inf. Paris. conf. 55. num. 32. lib. 4. ubi, quod non excludatur, casus similis idem Paris. conf. 158. num. 15. d. volum. ponderando maximè vim dictionis alijs, quæ ex propria vi includit necessario diuersa à iam expressis Socin. conf. 300. colum. 4. lib. 2. Paris. conf. 92. num. 5. lib. 1. & expressis similiac. Sedes Apostolica de rescript. l. si fugitivi C. de seru. fugit. Paris. consil. 29. num. 77. lib. 2. ita ut vi istius dictionis, ultra expressa, similia expressis includantur iuxta trad. per glos. & Doctores. in Auth. ex testamento C. de collat. & d. l. si fugitivi. Bal. in l. conuenticula C. de Episcop. & Cleric. multoque magis ergo includuntur maiora expressis. Circa quod possem ego fortasse latè digredi, si delictorum qualitas mihi expressa fuisset, conferendo

do crimina dictis Clericis obiecta cum crimine furti, cuius in privilegio Innocentij VIII. est facta mentio.

Secundo, plurimum huic conclusioni deseruit privilegium Pauli III. quod adeo amplum est, ut vix ulli dubitationi locus relinquatur. Is enim, supposita atrocitate, seu gravitate criminum per Clericos commissorum, & supposita etiam, quasi possessione procedendi, condemnandi, & puniendi Clericos de atrocibus delictis culpabiles repertos, in qua Serenissima Veneta Respub. ab immemorabili tempore citra existit, mandat Vicario Illustrissimi Patriarchæ, & alijs Iudicibus Ecclesiasticis, ut omnino debeant interesse examini, & processui, qui super dictis criminibus per Clericos commissis per Iudices Laicos formatu, quoties, & quando ab ipsis Iudicibus Secularibus fuerint requisiti, districte etiam sub excommunicationis pænæ eidem prohibendõ, ne Iudices Seculares contra consuetudinem huiusmodi immemorabilem audeant impedire, rationemque istius privilegij eam affert, ne, si tollatur Iudicibus Secularibus facultas animadvertendi in Clericos facinorosos, foueatur audacia delinquentium, ita ut nihil non audeant freri delictorum impunitate. Nam, ut etiam animadvertit Dominicus Sotus in 4. sentent. distin. 25. quæst. 2. art. 2. ad finem nihil magis causam præbuit violandi privilegium exemptionis concessum personis Ecclesiasticis, quam negligentia Prælatorum, qui aut inulta relinquunt crimina Clericorum, aut ea leuissimè, nimiumque remissè puniunt. Commendatq; Paulus III. consuetudinem Reipub. Venetæ tanquam laudabilem, per quam Clericorum temeritas compefcatur, cum Clerici videant se per Iudices Seculares pro modo admissi criminis puniri: addit & aliam rationem, qua se motum asserit ad tale privilegium concedendum, nempe ad evitanda scandala, & perturbationem Reipublicæ, quæ ex impunitate prædicta consequantur, cum  
scandalum

scandalum ruina praebeat occasionem, ut per D. Thom. 2. 2. q. 43. & in 4. parte sententiarum dist. 38. quaest. 2. Hostiensis in Summa de poenit. & remiss. §. penult. vers. est autem scandalum; multa autem permittuntur ob sedanda scandala, & ut eorum occasio tollatur cap. quoniam de iure patronat. Oldrad. conf. 96. colum. penult. & per plura concludit Dec. conf. 151. num. 6. prout etiam pro conseruanda Reip. tranquillitate, quae per sceleratos homines plurimum perturbantur, multa admittenda sunt, quae aliàs non admitterentur c. 2. de desponsat. impuber. & ibidem post glos. Abb.

Tertio, & ultimo supposita hac immemorabili consuetudine Reipub. Venetae, animaduertendi scilicet in Clericos facinorosos, & quasi possessione, in qua tandiu reperitur, infertur eandem consuetudinem habere vim priuilegij, & iusti tituli tradit Dec. conf. 585. arg. tex. in l. hoc iure §. haustus aquae ff. de aqua quotid. & aestiu. cum alijs pluribus per cum allegatis. Socin. iun. conf. 188. nu. 100. conf. 181. nu. 59. lib. 2. semperq; censetur rationalis, ut per Abb. conf. 7. col. pen. & conf. 26. col. 2. in 2. vol. habetq; pro se praesumptionem iuris, & de iure, quod omnia interuenerint ad eam legitime inducendam necessaria. Butr. in c. peruenit de censibus, quem refert Felin. in c. cum nobis col. 3. extra de testibus. Rubeus Alexandrinus conf. 13. num. 6. Crau. conf. 21. num. 12. vol. 1. Et hoc ipsum aperte significauit Paul. III. Pontifex Max. in supradicto priuilegio in illis uerbis, ut quod circa hoc tanti temporis spacio fuit obseruatum, quod non uisi Canonicum principium habuisse praesumitur; quasi uero non possit non praesumi, quod consuetudo tanto tempore obseruata, tam diuturna per actus tam uarios, tanque frequentes continuata, non processerit de scientia Summi pro tempore Pontificis, mediante saltem scientia Reuerendissimorum pro tempore Nuntiorum Apostolica

Sedis, id enim sufficere ut inducā dicatur, sciente supremo Principe; licet non probetur in specie Principem id sciuisse docet Bart. in l. 1. §. deniq; ff. de aqua plu. arcen. Abbas post alios in c. cum contingat col. 4. de foro compet. in c. qua in Ecclesiarum de constit. Alex. cons. 6. num. 3. lib. 1. cons. 24. col. 3. vol. 5. Aret. cons. 154. Jacobin. de Sancto Georgio in sua summa feudali in ver. cum mero, & mixto Imperio, & de communi testatur Bal. in tract. præscript. in secunda parte quinta quæst. principalis quæst. 4. latè Crau. de antiq. temporis quarta parte. incip. absolutis quæst. 7. num. 123. cum sequent. quòd eo magis affirmandum est, cum ad ipsorum Nunciorum officium spectet inquirere diligenter, & inuigilare, ne quid minimum attentetur in præiudicium auctoritatis Apostolica Sedis, & contra Ecclesiasticam libertatem: Quod argumentum tanto alacriori animo à me deductum fuit, cum viderim ita argumentatum in prædicto privilegio Paulum III. atque ideo iustissimum existimas se non debere talem consuetudinem infringi, magis vero foueri, & inuiolabilem conseruari.

Non obstant adducta in contrarium. Ad primum respondetur assumptum illud, quòd Clerici iure diuino sint exempti à potestate Iudicis secularis non transire sine difficultate, & cōtrouersia, cum plures contrariam sententiam sequuti fuerint, existimantes exemptionem hanc non de iure diuino, sed humano inductam esse, quam latè præ cæteris defendit Couar. præf. quæst. c. 31. pluribus fundamentis contraria refellendo sub num. 2. vers. contraria opinio, multosq; eo in loco commemorat istius conclusionis assertores, à qua nec dissentire videtur Ludonicus Molina par. 1. dispu. 31. vers. 3. conclusio, & vers. secunda vero pars conclusionis, & Illustrissimus Card. Bellar. de Clericis lib. 1. c. 28. vers. quinta propositio.

- Verum quod attinet ad propositum nostrum, utrum exempti  
sint



sint à potestate Iudicis Secularis quo ad punitionem delictorum illa distinctio videtur adhibenda, quam adhibet post alios idem *Conaru. d. c. 31. vers. prima conclusio*, & *vers. secunda conclusio*. ut si quidem agatur de criminibus Ecclesiasticis commissis scilicet circa spiritualia, exempti dicantur à potestate Iudicis Secularis iure diuino, quòd si agatur de criminibus non Ecclesiasticis, sed his scilicet, quæ spiritualia non attingunt, exempti quidem sint à potestate Iudicis Secularis, non tamen iure diuino, sed humano. *Ad tex. in d. c. cum non ab homine de Iudic. Responderi potest tex. illum procedere nisi extet immemorabilis, & legitime præscripta consuetudo, vel, si nullum extet priuilegium indultum ab Apostolica Sede Principi Seculari. Nec enim dubium est, quin Summus Pontifex possit in certis casibus derogare priuilegio fori. leñor 34. dist. c. verù de foro compet. c. romana §. debet de appellat. in 6. tradunt omnes in c. decernimus de Iudic. pulchrè Cardin. Zabari. in c. perpendimus de sent. excommun. concludens in fine, quòd sicut Papa potest vnum Clericum subijcere iurisdictioni Iudicis Laici, ita potest omnes Clericos in certis casibus subijcere vni Principi Seculari, ut in eos, repertos culpabiles, animaduertere possit. Et sicut interdum potest causas, quamuis spirituales, Laicis delegare, ita potest Laicis priuilegium indulgere, ut in certis criminibus contra Laicos procedere, & eosdem punire possint.*

*Ad secundum respondetur non valere consuetudinem, per quam generaliter Clerici pro quibuscunque criminibus subijciantur foro Iudicis Secularis, valere tamen consuetudinem particularem, quòd in quibusdam casibus subijciantur, ut declarat Clar. d. q. 36. vers. sed ea retenta.*

*Secundo respondetur talem consuetudinem reprobari, si neque præsumptione constet, quòd habuerit Canonicum initium, secus si canonicum initium habuisse præsumatur, prout de consue-*

*suetudine hac Veneta Reipub. testatur Paul. III. in suo privilegio.*

*His ego rationibus existimaui conclusiones à me supra firmatas in singulis capitibus propositæ mihi consultationis optimo iure subsistere, & verissimas esse, salva tamen &c.*

*Ioachinus Scaynus inter primarios Patauini Gymnasij professores Vespere Iuris Ciuilis ordinarius Interpres propria manu subscripsi, solitoque sigilo subsignaui*

**Locus Sigilli.**

*Redditum fuit à me responsum die 15. Februarij 1606.*

*Mandato Magnifici & Excellentissimi Iur. Vtr. Doctoris D. Roberti Placiola Sacri Collegij Clarissimorum I. V. D. Magnificæ Ciuit. Paduæ V. Prioris, & senioris dignissimi pro executione partis Captæ in dicto Sacro Collegio sub die 27. Mensis Augusti proxime euolutum ultra scripta tria Consilia, seu Responfa per Clarissimos DD vt supra consulentes edita, & eorum manu subscripta, & Sigillis munita, prius in eodem Sacro Collegio lecta, & maturè discussa Ludouicus Merius Notarius Collegiatus Paduæ, eiusdemque Sacri Collegij Cancellarius nomine ipsius Sacri Collegij in fidem subscripsit, ac Sigillo maiori eiusdem Collegij roborauit ad laudem Summi Dei Trini, & Vnius, & gloriosissimæ semper Virginis Mariæ, Diuorumque Prosdocimi, Danielis, Antonij Confessoris, & Iustiniæ protectorum nostrorum.*

*Dat. Paduæ die secundo Mensis Septembris 1605.*

*Locus Sigilli maioris prædicti.*

**C V M P R I V I L E G I O.**







